


ውዳሴ ማርያም በልህነ ግዕዝ



መፅሐፉ በውስጡ የያዟቸው የመጻሕፍት ብዛት

1ኛ የዘወትር ጸሎትን ፤

2ኛ የዕለቱን ውዳሴ ማርያም ፤

3ኛ አንቀጸ ብርሃንን ፤

4ኛ ይዌድስዋ መላዕክትን ፤

5ኛ መልክአ ማርያምን ፤

6ኛ መልክአ ኢየሱስን እና

7ኛ የግዕዝ ቁጥሮቻችንም ጨምሮ ይዟል።





ጸሎት ዘዘወትር

1. አዐትብ ገጽዩ ወኩለንታዩ በትእምርተ መስቀል። በሰመ

ኣብ ወወልድ ወመንፈስ ቅዱስ ኣሓዱ ኣምላክ።

በሰመ ኣብ ወወልድ ወመንፈስ ቅዱስ ኣሓዱ ኣምላክ

በቅድስት ሥላሴ እንዘ ኣኣምን ወእትመኅፀን እክሕደከ

ሰይጣን በቅድመ ዛቲ እምዩ ቅድስት ቤተ ክርስቲያን

እንተ ይእቲ ስምዕላዊ ማርያም ጽዮን ለዓለም ዓለም።



ነኣኩተከ እግዚአ

2. ነኣኩተከ እግዚአ ወንሴብሐከ። ንባርከከ እግዚአ ወንትአመነከ
 ንገኒ ለከ እግዚአ ወንትቀነይ ለሰምከ ቅዱስ። ንሰግድ ለከ ኦ
 ዘለከ ይሰግድ ኩሉ ብርክ ወለከ ይትቀነይ ኩሉ ልሳን። ኣንተ
 ዉእቱ ኣምላክ ኣማልክት፡ ወእግዚአ ኣጋእዝት፡ ወንጉሠ
 ነገሥት፡ ኣምላክ ኣንተ ለኩሉ ዘሥጋ ወለኩሉ ዘነፍስ፡
 ወንዴዉዓከ በከመ መሐረነ ቅዱስ ወልድከ እንዘ ይብል
 ኣንትሙሰ ሶባ ትዴልዩ ከመዝ በሉ።



አቡነ ዘበሰማያት

3. አቡነ ዘበሰማያት ይትቀደስ ስምከ፤ትምጻእ መንግሥትከ
 ወይኩን ፈቃድከ በከመ በሰማይ ከማሁ በምድር ፡ ሲሳየን
 ዘለለ ዕለትን ሀበነ ዮም። ኅድግ ለነ አበሳነ ወጌጋየን ከመ
 ንሕነኒ ንኅድግ ለዘአበሰለነ። ኢታብኣነ እግዚአ ውሰተ
 መንሱት። አላ ኢድኅነነ ወባልሐነ እምኩሉ እኩይ ። እሰመ
 ዚአከ ይእቲ መንግሥት ኃይል ወሰብሐት ለዓለመ ዓለም።

አማን



በሰላም ቅዱስ ገብርኤል መልአክ

4. በሰላም ቅዱስ ገብርኤል መልአክ ኦ እግዝእትዩ ማርያም

ሰላም ለኪ። ድንግል በሕሊናኪ ወድንግል በሥጋኪ እመ

እግዚአብሔር ጸባዖት ሰላም ለኪ። ቡርክት አንቲ እምአንሰት

ወቡሩክ ፍሬ ከርሥኪ። ተፈሥሒ ፍሥሕት ኦ ምልእተ ጸጋ

እግዚአብሔር ምስሌኪ። ሰአሊ ወጸልዩ ለነ ኅበ ፍቁር

ወልድኪ ኢየሱስ ክርስቶስ ከመ ይሥረይ ለነ ኃጣዉኢነ።

አማን



ጸሎተ ሃይማኖት

5. ጸሎተ ሃይማኖት ነአምን በ፩ዱ አምላክ እግዚአብሔር አብ አኃዜ ኩሉ ዓለም ገባረ ሰማያት ወምድር ዘኢያስተርኢ ወዘኢያስተርኢ። ወነአምን በ፩ዱ እግዚእ ኢየሱስ ክርስቶስ ወልደ አብ ዋሕድ ዘህልው ምስሌሁ እምቅድመ ይትፈጠር ዓለም። ብርሃን ዘእምብርሃን አምላክ ዘእምአምላክ ዘበአማን። ዘተወልደ ወአኮ ዘተገብረ ዘዕሩይ ምስለ አብ በመለኮቱ። ዘቡቱ ኩሉ ኮነ ወዘእንበሌሁሰ አልቦ ዘኮነ ወኢምንትነ ዘበሰማይነ ወዘበምድርነ። ዘበእንቲአነ ለሰብእ ወበእንተ መድኃኒትነ ወረደ እምሰማያት።

ተስብኦ ወተሠገወ ወእመንፈስ ቅዱስ ወእማርያም እምቅድስት ድንግል። ኮነ ብእሲ ወተሰቅለ በእንቲኣነ በመዋዕለ ጵላጦስ ጴንጤናዊ ሓመ ወሞተ ወተቀብረ ወተንሥእ እሙታን ኣመ ሣልስት ዕለት በከመ ጽሑፍ ዉስተ ቅዱሳት መጻሕፍት። ዐርገ በስብሓት ዉስተ ሰማያት ወነበረ በየማነ ኣቡሁ፡ ዳግመ ይመጽእ በስብሓት ይኮንን ሕያዋነ ወሙታነ ወኣልቦ ማኅለቅት ለመንጉሥቱ። ወነኣምን በመንፈስ ቅዱስ እግዚእ ማሕየዊ ዘሰረፀ እምኣብ ንስግድ ሎቱ ወንሰብሓ ምስለ ኣብ ወወልድ ዘነበበ በነቢያት። ወነኣምን በኣሓቲ ቅድስት ቤተ ክርስቲያን እንተ ላዕለ ኩሉ ጉባኤ ዘሐዋሪያት፡ ወነኣምን በኣሓቲ ጥምቀት ለሥርየተ ኃጢአት። ወንሴፎ ትንሣኤ ሙታን ወሕይወተ ዘይመጽእ ለዓለመ ዓለም።



ቅዱስ ቅዱስ ቅዱስ እግዚአብሔር

6. ቅዱስ ቅዱስ ቅዱስ እግዚአብሔር ጸባዖት ፍጹም ምሉእ ሰማያት ወምድረ

ቅድሳተ ስብሐቲክ። ንሰግድ ለክ ክርስቶስ ምስለ ኣቡክ ኄር ሰማያዊ

ወመንፈስክ ቅዱስ ማሕየዊ እሰመ መጻእክ ወኣድኃንከ።

✝ እሰግድ ለኣብ

7. እሰግድ ለኣብ ወወልድ ወመንፈስ ቅዱስ ኣሓተ ሰግደተ እሰግድ ለኣብ

ወወልድ ወመንፈስ ቅዱስ ኣሓተ ሰግደተ እሰግድ ለኣብ ወወልድ

ወመንፈስ ቅዱስ ኣሓተ ሰግደተ



እሰግድ ለኡብ

እንዘ ኣሓዱ ሠለሰቱ ወእንዘ ሠለሰቱ ኣሓዱ ይሣለሱ በኣካላት
 ወይትወሓዱ በመለኮት እሰግድ ለእግዝእትነ ማርያም ድንግል
 ወላዲተ ኣምላክ እሰግድ ለመስቀለ እግዚእነ ኢየሱስ ክርስቶስ
 ዘተቀደሰ በደሙ ክቡር መስቀል ኃይልነ መስቀል ጽንዕነ
 መስቀል ቤዛነ መስቀል መድሃኒተ ነፍሰነ። ኣይሁድ ክሕዱ።
 ንሕነሰ ኣመነ ወእለ ኣመነ በኃይለ መስቀሉ ድኅነ።



ሰብሐት ለኣብ

8. ሰብሐት ለኣብ ሰብሐት ለወልድ ሰብሐት ለመንፈስ ቅዱስ /3/ ፤

ሰብሐት ለእግዝእትነ ማርያም ድንግል ወላዲተ ኣምላክ ፤ ሰብሐት

ለመስቀለ እግዚእነ ኢየሱስ ክርስቶስ ፤ ክርስቶስ በምሕረቱ ይዘክረነ ፤

ኣመ ዳግም ምጽኣቱ ኢያስተኃፈረነ ፤ ለሰብሐተ ስሙ ያንቅሓነ ፤

ወበኣምልኮቱ ያጽንኣነ ፤ እግዝእትነ ማርያም ድንግል ወላዲተ ኣምላክ

ኣእርጊ ጸሎትነ ፤ ወኣስተሰርዩ ኩሎ ሃጢአተነ ፤ ቅድመ መንበሩ

ለእግዚእነ ፤

✝ ስብሐት ለኣብ

ለዘኣብልኣን ዘንተ ኅብስተ ፤ ወለአሰተየን ዘንተ ጽዋዐ ፤ ወለዘሠርዐ ለን
ሲሳየን ወዐራዘን ፤ ወለዘተዓገሰ ለን ኩሎ ኃጢአተን ፤ ወለዘወሀበን
ሥጋሁ ቅዱስ ወደሞ ክቡረ ፤ ወለዘኣብጽሓን እስከ ዛቲ ሰዓት። ነሀብ
ሎቱ ስብሐተ ውኣኩቴተ ለእግዚኣብሔር ልዑል ወለወላዲቱ ድንግል
ወለመስቀሉ ክቡር ይትኣኩት ወይሰባሕ ሰሙ ለእግዚኣብሔር
ኣምላክን ወትረ በክሉ ጊዜ ወበኩሉ ሰዓት። ሀሌ ሉያ ስብሐቶ
ወወድስዎ በኣሐቲ ቃል ሣራረሀ ኩሉ ዓለም ።



ሰላም ለኪ

9. ሰላም ለኪ እንዘ ንሰግድ ንብለኪ ማርያም እምነ ናስተበቁዐኪ። እምኣርጭ ነአዊ ተማኅጸነ ብኪ። በእንተ ሓና ኢምኪ ወኢያቄም ኣቡኪ ማኅበረነ ዮም ድንግል ባርኪ።

ጸሎተ እግዝእትነ

10. ጸሎተ እግዝእትነ ማርያም ድንግል ወላዲተ ኣምላክ። ታዑብዮ ነፍስየ ለእግዚአብሔር። ወትትኃሠይ መንፈስየ በኣምላኪየ ወመድኃንየ፤ እስመ ርእየ ሕማማ ለኣመቱ። ናሁ እምይእዜሰ ያስተበፅዑኒ ኩሉ ትዉልድ።



ጸሎተ እግዝእትነ

እስመ ገብረ ሊተ ኃይለ ዐቢያተ ወቅዱስ ስሙ። ወሣህሉኒ ለትውልደ ትዉልድ ለእለ
 ይፈርህዎ። ወገብረ ኃይለ በመዝራዕቱ፣ ወዘረዎሙ ለእለ ያዐብዩ ሕሊና ልቦሙ፣
 ወነሠቶሙ ለኃያላን እመ ናብርቲሆሙ። ኣዕባዮሙ ለትሑታን፣ ወኣጽገባምሙ
 እምበረከቱ ለርኑባን፣ ወፈነዎሙ ዕራቆሙ ለብዑላን ወተወክፎ ለእስራኤል
 ቊልዔሁ፣ ወተዘከረ ሣህሎ ዘይቤሎሙ ለኣባዊነ ለኣብርሃም ወለዘርኡ እስከ
 ለዓለም። ሉቃስ ፩፡፵፮-፶፮። ሰብሐት ለኣብ ወወልድ ወመንፈስ ቅዱስ፣ ለዓለም
 ወለዓለመ ዓለም ኣሜን።



*****ውዳሴ ማርያምን ከመደገምዎ በፊት ይህንን ይበሉ*****

➤ ኦ እግዚአቶሮ ፍትህን እማይሰሩ ለሰይጣን እሙ ለመደገን

ወለተ ብርሃን ባርኪኒ ቀድሶን ወአንፅህን በከመ ባርክዮ

ለቅዱስ ኤፍሬም ፍቁርኪ በረከተ ፍቁር ወልድኪ ወአቡሁ

ወመንፈስ ቅዱስ ይጎድር በላዕሌየ ።



ውዳሴ ዘሰኑይ



ውዳሴሃ ለእግዝእትን ማርያም ድንግል ወላዲተ አምላክ ዘይትነብብ

በዕለተ ሰኑይ።

1. ፈቀደ እግዚእ ያግዕዞ ለአዳም ኅዙን ወትኩዘ ልብ ወያግብኦ ኅብ ዘትካት መንበሩ፡ ሰኣሊ ለነ ቅድስት።

2. ሠረቀ በሥጋ እምድንግል ዘእንበለ ዘርኦ ብእሲ ወኣድኃነነ። ለሔዋን እንተ ኣሰሓታ ከይሲ ፈትሓ ላዕሌሃ እግዚኣብሔር እንዘ ይብል ብዙኃ ኣበዝኖ ለሕማምኪ ወለፃርኪ፡ ሠምረ ልቡ ኅብ ፍቅረ ሰብእ ወኣግዐዛ፡ ሰኣሊ ለነ ቅድስት።

3. ኢየሱስ ከርሱቶሰ ቃል ዘተሰብኦ ወኃደረ ላዕሌን ወርኢን ስብሐቱሁ

ከመ ስብሐተ ፩ዱ ዋሕድ ለአቡሁ ሠምረ ይሣሃለን፡ ሰኣሊ ለን

ቅድስት።

4. ርእየ ኢሳይያስ ነቢይ በመንፈስ ትንቢት ምሥጢሮ ለአማኑኤል

ወበእንተዝ ጸርሐ እንዘ ይብል ሕፃን ተወልደ ለን፡ ወልድ ተወህቦ

ለን፡ ሰኣሊ ለን ቅድስት።

5. ተፈሣህ ወተኃሠይ ኦ ዘመደ ዕጻለ እምሕያው እሰመ አፍቀሮ እግዚአብሔር

ልዓለም፡ ወመጠወ ወልድ ዋሕድ ከመ ይሕየዉ ኩሉ ዘየአምን ቦቱ እስከ

ለዓለም፡ ፈነወ ለን መዝራዕቶ ልዑል፡ ሰኣሊ ለን ቅድስት።

6. ዘሀሎ ወይሄሉ ዘመጽኣ ወካዕበ ይምጽእ ኢየሱስ ክርስቶስ ቃል

ዘተሰብኣ እምኔኪ ዘእንበለ ዉላጤ፡ ኮነ ፍጹም ሰብኣ፡ ኢተበኣደ

ወኢተፈልጠ በኩሉ ግብሩ ወልድ ዋሕድ፡አላ፩ዱ ራእይ፡ ወ፩ዱ ህላዌ

ወ፩ዱ መለኮት ዘእግዚአብሔር ቃል፡ ሰኣሊ ለነ ቅድስት።

7. ተፈሥሒ ኦ ቤተልሔም ሀገሮም ለነብያት እስመ በኃቤኪ ተወልደ

ክርስቶስ ዳግማይ ኣዳም ከመ ያግብኣ ለኣዳም ቀዳሚ ብእሲ እምድር

ዉስተ ገነት ይሥዐር ፍትሐ ሞት፡ ኦ ኣዳም መሬት ኣንተ ወትገብእ

ዉስተ መሬት፡ ኅበ ሀለወት ብዝኅት ኃጢአት በህየ ትበዝኅ ጸጋ

እግዚአብሔር፡ሰኣሊ ለነ ቅድስት።

8. ትትፌሣሕ ወትትሓሣይ ኩሉ ነፍሱተ ሰብእ፡ ምስለ መላእክት ይሰብሕዎ

ለክርሰቶስ ንጉስ ይጸርሑ ወይበሉ ስብሐት ለእግዚአብሔር በሰማያት፡ ወሰላም

በምድር ሥምረቱ ለሰብእ፡ እስመ ሠዐረ ዘትካት ወነሠተ ምክሮ ለጸላኢ፡

ወሠጠጠ መጽሐፈ ዕዳሆሙ ለኣዳም ወለሔዋን፡ ወሰዮሙ ኣግዐዝያነ

ዘተወልደ ለነ በሀገረ ዳዊት መድኃኒነ ኢየሱስ ክርስቶስ፡ ሰኣሊ ለነ ቅድስት።

9. ብርሃን ዘበአማን ዘያበርህ ለኩሉ ሰብእ ለእለ ይነብሩ ዉስተ ዓለም፡በእንተ

ፍቅረ ሰብእ መጸእከ ዉስተ ዓለም ወኩሉ ፍጥረት ተፈሥሐ በምጽኣትከ፡

እስመ ኣድኃንኮ ለኣዳም እምስሕተት፡ ወረሰይካ ለሔዋን ኣግዓዚተ እምፃዕረ

ሞት ወወሀብከነ መንፈሰ ልደት፡ ባረክናከ ምስለ መላእክቲከ፡ሰኣሊ ለነ

ቅድስት።



ወዳሴ ማርያም ዘሠሉሰ



ወዳሴ ለእግዚአብሔር ማርያም ድንግል ወላዲተ አምላክ ዘይትነቡቡብ ዕለተ ሠሉሰ።

1. አከሊለ ምክሕን ወቀዳሚተ መድኃኒትነ ወመሰረተ ንጽሕነ ኮነ በማርያም ድንግል፡ እንተ ወለደት ለነ ዘእግዚአብሔር ቃለ፡ ዘኮነ ሰብአ በእንተ መድኃኒትነ፡ እምድኃረ ኮነ ሰብአ ጥዩቀ አምላክ ፍጹም ወእቱ፡ ወበእንተዝ ወለደቶ እንዘ ደንግል ይእቲ መንክር ኃይለ ወሊዶታ ዘኢይትነገር፡ ሰአሊ ለነ ቅድስት።

2. እስመ በፈቃዱ አቡሁ፡ ወመንፈስ ቅዱስ መጽአ ወአድኃነነ። ዐቢይ ወእቱ ሰብሐተ ድንግልናኪ አ ማርያም ድንግል ፍጹምት፡ ረከብኪ ሞገሰ እግዚአብሔር ምስሌኪ፡ አንቲ ወእቱ ሰዋስዉ ዘርእየ ያዕቆብ እምድር ዘይበጽሕ እስከ ሰማይ፡ ወመላዕክተ እግዚአብሔር የዐርጉ ወይወርዱ ወስቴታ፡ ሰአሊ ለነ ቅድስት።

5. ተፈሥሖሒ ኦ ወላዲተ እግዚእ ኃሣቶም ለመለእክት፣ ተፈሥሖሒ ኦ ንጽሕት ዜናሆም ለነብያት፣ ተፈሥሖሒ እስመ ረከብኪ ሞገሰ እግዚአብሔር ምሰሌኪ፣ ተፈሥሖሒ እስመ ተወከፍኪ ቃሎ ለመልእክ ፍሰሐ ኩሉ ዓለም፣ ተፈሥሖሒ ኦ ወላዲተ ፈጣሬ ዓለም፣ ሰኣሊ ለነ ቅድስት።

6. ተፈሥሖሒ እስመ ድልወ ተሰመዶኪ፣ ኦ ወላዲተ አምላክ፣ ተፈሥሖሒ ኦ መድኃኒታ ለሔዋን ተፈሥሖሒ እንተ አጥብውኪ ሓሊቦ ለዘይሰሰዮ ለኩሉ ፍጥረት፣ ተፈሥሖሒ ኦ ቅድስት እሞም ለኩሎም ሕያዋን፣ ናንቅዑዱ ኅቤኪ ትሰኣሊ በእንተኣነ ሰኣሊ ለነ ቅድስት።

7. አ ድንግል አ ቅድስት: አ ወላዲተ እግዚእ: እስመ ወለድኪ ለነ

ንጉሥ: መንከር ምሥጥር ኃደረ ላዕሌኪ ለመድኃኒተ ዚአነ።ናርምም

እስመ ኢንክል ፈጽሞ ጥዓቁቀ ነኒረ: በእንተ ዕበዩ ለዉእቱ ገባሬ

ሠናያት በብዙኃ መንከሩ ራእይ: ሰአሊ ለነ ቅድስት።

8. ቃለ አብ ሕያዉ ዘወረደ ዉስተ ደብረ ሲና ወወሀበ ሕገ ለሙሴ:

ወከደነ ርእሰ ደብር በጊሜ ዉጢስ ወጽልመት ወነፍስ: ወበድምፀ

ቃለ አቅርንት ይጌሥፅ ለእለ ይቀዉሙ በፍርሃት: ሰአሊ ለነ ቅድስት።

10. ዕቢያ ለድንግል ኢይትከሃል ለተነግሮ እሰመ እግዚእ ኃረያ፡ መጽክ ወኃደረ ላዕሌሃ ዘየኃድር ዉስተ ብርሃን ኅብ ኣልቦ ዘይቀርቦ ተፀዉረ በከርሣ ፱ተ ኣዉራኃ ዘኢይትረኣይ ወዘኢትዓወቕ ወለደቶ ማርያም እንዘ ድንግል ይእቲ፡ ሰኣሊ ለነ ቅድሳት።

11. ዘዉእቱ እብን ዘርእየ ዳኒኤል ነብይ፡ ዘተብትከ እምደብር ነዋኅ ዘእንበለ፡ እድ፡ ዘዉእቱ ቃል ዘወፅኦ እምሓበ ኣብ መጽክ ወተሰብኦ እምድንግል ዘእንበለ ዘርኦ ብእሲ ወኣድኃነነ፡ ሰኣሊ ለነ ቅድሳት።

12. ኮንኪ ዓፅቀ ንጹሐ ወመዳየ አሚን፡ ርትዕት ሃይማኖቶሙ

ለቅዱሳን አበዊነ፡ ኦ ንጽሕት ወላዲተ አምላክ ድንግል

ኅትምት ወለድኪ ለነ ቃለአብ ኢየሱስ ክርስቶስ መጽአ

ለመድኃኒትነ፡ ሰአሊ ለነ ቅድስት።

13. አንቲ እሙ ለብርሃን ክብርት ወላዲት እግዚእ እንተ ፃርኪያ

ለቃል ዘኢይትረአይ፡ እምድግረ ወለድኪ ኪያሁ ነበርኪ

በድንግልና፡ በሰብሐት ወበባርኮት ያዑብዩኪ፡ ሰአሊ ለነ ቅድስት።

14. አይ ልሳን ዘይክል ነቢዔ ዘይትነገር በእንቲኣኪ ኦ ድንግል ንጽሕት እሙ ለቃለ ኣብ ኮንኪ መንበሮ ለንጉሥ ለዘይፀወርዎ ኪሩቤል፡ ናስተበፅዐኪ ኦ ቡርክት፡ወንዘክር ሰመኪ በኩሉ ትዉልደ ትዉልድ ኦ ርግብ ሠናይት እሙ ለእግዚእነ ኢየሱስ ክርስቶስ፡ ሰኣሊ ለነ ቅድስት።

15. ተፈሥሒ ኦ ግርግም እም ወአመት፡ እስመ ለዘዉስተ ሕፅንኪ ይሰብሕዎ መላእክት ወኪሩቤል ይሰግዳ ሎቱ በፍርሃት፡ ወሱራፌል ዘእንበለ ጽርዓት ይሰፍሑ ክነፈሆሙ ወይብሉ፡ ዝንቱ ዉእቱ ንጉሠ ሰብሐት መጽኦ ይሥረይ ኃጢአተ ዓለም በዕበየ ሣህሉ ፡ ሰኣሊ ለነ ቅድስት።



ወዳሴ ማርያም ዘረቡዕ



ወዳሴሃ : ለእግዝእትነ : ማርያም : ድንግል : ወላዲተ : አምላክ : ዘይትነቡብ :
በዕለተ : ረቡዕ።

1. ኩሉ : ሠራዊተ : ሰማያት : ይብሉ : ብፅዕት : አንቲ : ሰማይ : ዳግሚት : ዲባ
: ምድር : ኖጎተ : ምሥራቅ : ማርያም : ድንግል : ከብካብ : ንጹሕ : ወመርዓ :
ቅዱሳ። ነጻረ : አብ : እምሰማይ : ወኢረከበ : ዘከማኪ : ፈነወ : ዋሕዶ :
ወተሰብአ : እምኔኪ : ሰአሊ : ለነ : ቅድሳት።

2. ኩሉ : ትወልድ : ያሰተበፅዑኪ : ለኪ : ለባሕቲትኪ : ኦ : እግዝእትነ :
ወላዲተ : አምላክ።

ተነበዩ ፡ ላዕሌኪ ፡ ዐቢያተ ፡ ወመንክራተ ፡ ኦ ፡ ሀገረ ፡ እግዚአብሔር ፡
እስከ ፡ ኮንኪ ፡ አንቲ ፡ ማኅደረ ፡ ለፍሡሐን ፡ ኩሎሙ ፡ ነገሥተ ፡
ምድር ፡ የሐዉሩ ፡ በብርሃንኪ ፡ ወአሕዛብኒ ፡ በፀዳልኪ ፡ ኦ ፡
ማርያም ፡ ኩሉ ፡ ትዉልድ ፡ ያስተበፅዑኪ ፡ ወይሰግዱ ፡ ለዘተወልደ
፡ እምኔኪ ፡ ወያዐብይዎ። ሰአሊ ለነ ቅድሳት።

3. አንቲ ፡ ዘበአማን ፡ ደመና ፡ እንተ ፡ አስተርአይኪ ፡ ለነ ፡ ማየ ፡

ዝናም ፡ ትእምርተ ፡ ዋሕዱ ፡ ረሰየኪ ፡ አብ ፡ መንፈስ ፡ ቅዱስ ፡
ኃደረ ፡ ላዕሌኪ ፡ ወኃይለ ፡ ልዑል ፡ ጸለለኪ ፡ ኦ ፡ ማርያም ፡ አማን
፡ ወልድኪ ፡ ቃለ ፡ ወልደ ፡

- አብ ፡ ዘይነብር ፡ ለዓለም ፡ መጽአ ፡ ወአድኃነነ ፡ እምኃጢአት ፡
ዓብይ ፡ ወእቱ ፡ ክብር ፡ ዘተወህበ ፡ ለከ ፡ ኦ ፡ ገብርኤል ፡ መልአክ ፡
ዜናዊ ፡ ፍሥሐ ፡ ገጽ ፡ ሰበከ ፡ ለነ ፡ ልደተ ፡ እግዚእ ፡ ዘመጽአ ፡
ኃቤነ ፡ ወአብሠርካ ፡ ለማርያም ፡ ድንግል ፡ ዘእንበለ ፡ ርሰሐት ፡
ወትቤላ ፡ ተፈሥሒ ፡ ኦ ፡ ምልአተ ፡ ጸጋ ፡ እግዚአብሔር ምሰሌኪ።
ሰአሊ ለነ ቅድስት።

4. ረከብኪ ፡ ፀጋ ፡ መንፈስ ፡ ቅዱስ ፡ ኃደረ ፡ ላዕሌኪ ፡ ወኃይለ ፡
ልዑል ፡ ጸለሰኪ ፡ ኦ ፡ ማርያም ፡ አማን ፡ ወለኪ ፡ ቅዱስ ፡ መድሐኑ
፡ ለኩሉ ፡ ዓለም ፡ መጽአ ፡ ወአድኃነነ። ሰአሊ ለነ ቅድስት።

5. ግብረ : ድንግል : ይሴብሕ : ልሳንነ : የም : ንወድሳ : ለ
ማርያም : ወላዲተ : አምላክ : በእንተ : ዘተወልደ : እምኔሃ
: በሀገረ : ዳዊት : እግዚእነ : ወመድኃኒነ : ኢየሱስ :
ክርስቶስ : ንዑ : ኩልክሙ : ኣሕዛብ : ናስተብፅዓ :
ለማርያም : እስመ : ኮነት : እመ : ድንግል : ወፅሙረ :
ተፈሥሒ : ኣ : ድንግል : ንጽሕት : እንተ : አልባቲ : ርኩስ
: ዘመጽኣ : ቃለ : ኣብ : ወተሰብኣ : እምኔሃ።

- ተፈሥሒ : ኦ : መዳይ : እንተ : አልቦቲ : ነዉር : ፍጽምት :
ዘአልባ : ርስሐት። ተፈሥሒ : ኦ : ገነት : ነባቢት : ማኅደሩ
: ለክርሰቶስ : ዘኮነ : ዳግማይ : አዳም : በእንተ : አዳም :
ቅዳሚ : ብእሲ : ተፈሥሒ : ኦ : ፀዋሪቱ : ለዋሕድ : ለዘኢ
ተፈልጠ : እምነፅነ : አቡሁ : ተፈሥሒ : ኦ : ከብካብ :
ንዱሕ : ሥርግዉ : በኩሉ : ሥነ : ስብሐት : መጽአ :
ወተሰብአ : እምኔኪ : ተፈሥሒ : ኦ : ዕፀ : ጳጦስ : እንተ :
ኢያዉዳያ : እሳተ መለኮት :

- ተፈሥሒ ፡ ኦ ፡ አመት ፡ ወእም ፡ ድንግል ፡ ወሰማይ ፡ ሰማያዊ
፡ እንተ ፡ ያረት ፡ በሥጋ ፡ ዘይዔዐን ፡ ዲበ ፡ ኩሩቤል ፡
ወበእንተዝ ፡ ንትፈሣሕ ፡ ወንዘምር ፡ ምስለ ፡ መላእክት ፡
ቅዱሳን ፡ በፍሥካ ፡ ወበኃሣት ፡ ወንበል ፡ ሰብሐት ፡
ለእግዚአብሔር ፡ በሰማያት ፡ ወሰላም ፡ በምድር ፡ ሥምረቱ
፡ ለሰብእ ፡ እሰመ ፡ ኪያኪ ፡ ሠምረ ፡ ዘሎቱ ፡ ክብር ፡
ወሰብሐት። ሰአሊ ለነ ቅድስት።

6. የዐቢ : ኩብራ : ለማርያም : እምኩሎሙ : ቅዱሳን : እስመ :
ድልወ : ኮነት : ለተወክፎ : ቃለ : አብ : ዘይፈርህዎ : መላእክት :
ወየአኩትዎ : ትጉሃን : በሰማያት : ጸረቶ : ማርያም : ድንግል :
በከርሣ : ይእቲ : ተዐቢ : እምኪሩቤል : ወትፈደፍድ : እምሱራፌል
: እስመ : ኮነት : ታቦት : ለአኃዱ : ዘእምቅድስት : ሥላሴ ዛቲ :
ይእቲ : ኢየሩሳሌም : ሀገሮሙ : ለነብያት : ወማኅደረ :
ፍሥሐሆሙ : ለኩሎሙ : ቅዱሳን : ሕዝብ : ዘይነብር : ዉስተ :
ጽልመት : ወጽላሎተ : ሞት : ብርሃን : ዐቢይ : ሰረቀ : ላዕሌኖሙ

- እግዚአብሔር ፡ ዘየዐርፍ ፡ በቅዱሳንሁ ፡ ተሰብኦ ፡ እምድንግል ፡
ለመድኃኒተ ፡ ዚኣነ ፡ ንዑ ፡ ርእዩ ፡ ዘንተ ፡ መንክረ ፡ ወዘምሮ ፡
ዘምሩ ፡ በእንተ ፡ ምሥጢር ፡ ዘተከሥተ ፡ ለነ ፡ እሰመ ፡
ዘኢይትሰባእ ፡ ተሰብኦ ፡ ቃል ፡ ተደመረ ፡ ወዘአልቦ ፡ ጥንት ፡ ኮነ ፡
ቅድመ ፡ ወለዘአልቦ ፡ መዋዕል ፡ ኮነ ፡ ሎቱ ፡ መዋዕል ፡
ዘኢይትዐወቅ ፡ ተከሰተ ፡ ወኢይትረኣይ ፡ ተራእየ ፡ ወልደ ፡
እግዚአብሔር ፡ ሕያዉ ፡ ጥዩቀ ፡ ኮነ ፡ ሰብኦ ፡ ኢየሱስ ፡ ክርስቶስ ፡
ዘትግልም ፡ ወዮም ፡ ወክመ ፡

ዉእቱ : እሰከ : ለዓለም። ኣሓዱ : ህላዌ : ሎቱ : ንሰግድ
: ወንሰብሕ : ሰኣሊ ለነ ቅድሰት።

7. ሕዝቅኤል : ነቢይ : ኮነ : ሰምዐ : በእንቲኣሃ : ወይቤ
: ርኢኩ : ኖኅተ : በምስራቅ : ኅቱም : በዐቢይ :
መንከር : ማኅተም : ኣልቦ : ዘቦኣ : ዘእንበለ : እግዚኣ
: ኃያላን : ቦኣ : ዉሰቴታ : ወወፅኣ : ሰኣሊ ለነ
ቅድሰት።



ዉዳሴ ማርያም ዘኃሙስ



† ዉዳሴሃ ለእግዝእትነ ማርያም ድንግል ወላዲተ አምላክ ዘይትነቡብ በዕለተ ኃሙስ።

1. ዕፀ እንተ ርእየ ሙሴ በነደ እሳት ዉስተ ገዳም ወአዕፀቂሃ

ኢትዉዲ፡ ትመስል ማርያም ድንግል ዘእንበለ ርኩስ ተሰብኦ እምኔሃ

ቃለ ኣብ፡ ወኢያዉዐያ እሳተ መለኮቱ ለድንግል፡ እምድኅረ ወለደቶ

ድንግልናሃ ተረክቦ፡ ወመለኮቱ ኢተወለጠ ኮነ ወልደ ዕጓለ

እመሕያዉ አምላክ ዘበአማን መጽኦ ወኢድኃነነ፡ ሰኣሊ ለነ ቅድስት።

2. ናዑብየኪ ኩልነ ኦ እግዝእትነ ወላዲተ አምላክ እስመ ሣህልኪ

ይኩን ላዕለ ኩልነ። ትምክሕተ ኩልነ ድንግል ማርያም ወላዲተ
አምላክ ዘበእንቲአሃ ተሥዕረ ዘቀዳሚ መርገም እንተ ኃደረት ዲበ
ዘመድነ። በዕልወት ዘገብረት ብእሲት በልዐት እምዕፀ። በእንተ ሔዋን
ተዐፀወ ኖህተ ገነት። ወበእንተ ማርያም ድንግል ተርጎወ ለነ ዳግመ።
ከፈለነ ንብላዕ እምዕፀ ሕይወት። ዘዉእቱ ሥጋሁ ለክርስቶስ ወደሙ
ክቡር። በእንተ ፍቅረ ዚአነ መፅአ ወአድኃነነ። አይ ልቡና። ወአይ
ነቢብ። ወአይ ሰሚዕ። ዘይክል አእምሮ ዝንቱ ምሥጢር መንክራተ
ዘይትነብብ ላዕሌሃ። እግዚአብሔር መፍቀሬ ሰብእ

- ራዲዮ ወይንም ባሕርይ ቃለ አብ ዘህሎ እምቅድመ ዓለም በመለኮቱ።

እንበለ ሙስና እምራዲዮ አብ መጽኢ ወተሰብኢ ወልድ ዋሕድ

እምቅድስት እሙ። እምድጎረ ወለደቶ ኢማሰነ ድንግልናሃ።

ወበእንተዝ ግህደ ኮነት ከመ ወላዲተ አምላክ ይእቲ። ኦ ዕሙቅ ብዕለ

ጥበቡ ለእግዘአብሔር ከርሥ ዘፈትሐ ላዕሌሃ ትለድ በፃዕር ወሕማም

ወኃዘነ ልብ። ወኮነት ፈልፈለ ሕይወት ወወለደት ዘእንበለ ዘርኣ ብእሲ

ዘይሰዕር መርገመ እምዘመድነ። ወበእንተዝ ንሰብሐ እንዘ ንብል

ሰብሐት ለከ ኦ መፍቀሬ ሰብእ ኄር ወመድኃኔ ነፍሳቲነ። ሰአሊ ለነ

ቅድስት።

3. አዝመንኮር ወዕፁብ ኃይለ ከርሣ ለድንግል ወላዲተ አምላክ

ዘእንበለ ዘርእ ስምዐ ኮነ መልአክ ዘአስተርአዮ ለዮሰፍ እንዘ ይብል

ከመዝ፡ እስመ ዘይትወለድ እምኔሃ እመንፈስ ቅዱስ ቃለ

እግዚአብሔር ዉእቱ ተሰብኦ ዘእንበለ ዉላጤ፡ ወለደቶ ማርያም

ምክዕቢተ ዝንቱ ፍሥኃ፡ ወይቤ ትወልዲ ወልደ ወይሰመይ

አማኑኤል ዘበተርጓሚሁ እግዚአብሔር ምሰሌነ፡ ወዓዲ ይሰመይ

ኢየሱስሃ ዘያድኅኖሙ ለሕዝቡ እምኃጢአቶሙ ያድኅነነ በኃይሉ

ወይሥረይ ኃትጥያተነ እስመ ጥዩቀ አእመርናሁ ከመ አምላክ ዉእቱ፡

- ዘኮነ ሰብአ ሎቱ ስብሐት እስከ ለዓለም፡ አዝ መንክር ልደተ አምላክ
እማርያም እምቅድስት ድንግል፡ አግመረቶ ለቃል ኢቀደሞ ዘርእ
ለልደቱ ወኢአማሰነ በልደቱ ድንግልናሃ፡ እምነበ አብ ወፅአ ቃል
ዘእንበለ ድካም፡ ወእምድንግል ተወልደ ዘእንበለ ሕማም፡ ሎቱ ሰገዱ
ሰብአ ሰገል፡ አምጽኡ ዕጣነ ከመ አምላክ ወእቱ፡ ወርቀ እስመ ንጉሥ
ወእቱ፡ ወከርቤ ዘይትወሀብ ለሞቱ ማሕየዊ በእንቲአነ ተወክፈ
በፈቃዱ፡ አሀዱ ወእቱ ባሕቲቱ ኄር ወመፍቀሬ ሰብእ፡ ሰአሊ ለነ
ቅድስት።

4. አዝ መንከር ነሥኦ አሐደ ዐፅመ እምገቦሁ ለአዳም ወለሐኩ እምኔሁ

ብእሲተ ወኩሎ ፍጥረተ ዕጓለ እመሕያወ፡ ተዉህበ እግዚእ ቃለ አብ ተሰብእ

እምቅድስት ድንግል ወተሰምየ አማኑኤል ወበእንተዝ ንሰአል ኅቤሃ ኩሎ ጊዜ ከመ

ታስተሥሪ በእንቲአነ ኅበ ፍቁር ወልዳ፡ ኄርት ይእቲ በኅበ ኩሎሙ ቅዱሳን

ወሊቃነ ጳጳሳት እስመ አምጽአት ሎሙ ዘኪያሁ ይጸንሑ፡ ወለነብያትኒ አምጽአት

ሎሙ ለዘበእንቲአሁ ተነበዩ፡ ወለሐዋርያትኒ ወለደት ሎሙ ዘሰበኩ በሰሙ ዉስተ

ኩሉ አጽናፈ ዓለም፡ ለሰማዕት ወለመሃይምናን ወፅኦ እምኔሃ ዘተጋደሉ በእንቲአሁ

ክርስቶስ ብዕለ ጸጋ ጥበቡ ዘኢይትዐወቅ፡ንኅሥሥ ዕበየ ሣህሉ መጽኦ ወአድኃነነ፡

ሰአሊ ለነ ቅድስት።

5. መሐለ እግዚአብሔር ለዳዊት በጽድቅ ወኪይነት፡

እስመ እምፍሬ ከርሥከ አነብር ዲበ መንበርከ፡ወሶበ

ተወክፎ ወእቱ ጸድቅ ከመ እምኔህ ይትወለድ

ክርሰቶስ በሥጋ፡ ፈቀደ ይኅሥሥ ወይርከብ ማኅደር

ዘእግዚአብሔር ቃል ወፈጸመ ዘንተ በዐቢይ ትጋህ፡

ወእምዝ ጸርሐ በመንፈስ ወይቤ፡ ናሁ ሰማዕናሁ

በኤፍራታ ወማኅደር ለአምላክ ያዕቆብ፡

6. ዳዊት ዘነግሠ ለእስራኤል አመ ይትነሥኡ ላዕሌሁ ዕልዋን።

ፈትወ ይስተይ ማየ እምዓዘቅተ ቤተልሔም፡ ፍጡነ ተንሥኡ
መላሕቅተ ሐራሁ ወተቃተሉ በዉስተ ትዕይንተ ዕልዋን፡ ወአምጽኡ
ሎቱ ዉእተ ማየ ዘፈተወ ይስተይ፡ ወሶበ ርእየ ዉእቱ ጸድቅ ከመ
አጥብዑ ወመጠዉ ነፍሶሙ ለቀትል በእንቲ አሁ፡ ከዐወ ዉእተ ማየ
ወኢሰትየ እምኔሁ፡ ወእምዝ ተኑለቁ ሎቱ ጸድቅ እስከ ለዓለም፡
አማን መነኑ ሰማዕት ጣዕማ ለዛ ዓለም ወከዓዉ ደሞሙ በእንተ
እግዚአብሔር ወተዐገሡ ሞተ መሪሪ በእንተ መንግሥተ ሰማያት፡

- ተሳሃለን በከመ ዕባዩ ሣህልከ፡ ሰአሊ ለነ ቅድሳት።

7. አሐዱ ዘእምቅድሳት ሥላሴ፤ ርእዮ ትሕትናን አጽነን

ሰማዩ ሰማያት፡ መጽአ ወኅደረ ዉሰተ ከርሠ ድንግል፡

ወኮነ ሰብአ ከማነ ዘእንበለ ኃጢአት ባህቲታ፡ ወተወልደ

በቤተ ልሔም በከመ ሰበኩ ነቢያት፡ አድኃነን ወቤዘወነ

ወረሰዩን ሕዝበ ዚአሁ፡ ሰአሊ ለነ ቅድሳት።

3. ቡርክት አንቲ ማርያም ወቡሩክ ፍሬ ከርሥኪ ኦ ድንግል ወላዲተ አምላክ

ምክሐን ለደናግል፡ ዘእምቅድመ ዓለም ህልዉ ተሰብአ እምኔኪ ብሉዩ መዋዕል
ወፅአ እምከርስኪ ሥጋነ ነሥአ ወመንፈሶ ቅዱሶ ሀቤነ፡ ወረሰየነ ዕሩያነ ምስሌሁ
ቡብዝኃ ኂሩቱ፡ አንቲ ተዐቢዩ እምብዙኃት አንስት እለ ነሥአ ጸጋ ወክብረ፡ ኦ
ማርያም ወላዲተ አምላክ ሀገር መንፈሳዊት ዘኅደረ ላዕሌሃ እግዚአብሔር ልዑል፡
እስመ ዘይነብር ዲበ ኪሩቤል ወሱራፌል በእራኅኪ ሐቀፍኪዮ፡ ወዘይሴሲ ለኩሉ
ዘሥጋ ቡብዝኃ ኂሩቱ አኅዘ አጥባተኪ ወጠበወ ሕሊበ፡ ዘዉእቱ አምላክነ መድኃኔ
ኩሉ ይርዕየነ እስከ ለዓለም፡ ንስግድ ሎቱ ወንሰብሐ እስመ ዉእቱ ፈጠረነ፡
ሰአሊለነ ቅድስት።

4. ማርያም ድንግል ሙዳየ ዕፍረት ነቅዕ ፈልፈለ ማየ

ሕይወት፡ፍሬ ከርሣ አድኃነ ኩሎ ዓለመ ወሠዐረ እምኔነ

መርገመ፡ ወገብረ ሰላመ ማእከሌነ በመሰቀሉ ወበትንሣኤሁ

ቅድስት፡ አግብኦ ለብእሲ ዳግመ ዉስተ ገነት፡ ሰአሊለነ ቅድስት።

5. ማርያም ንጽሕት ድንግል ወላዲተ አምላክ ማእምንት፡

ሰአሊተ ምሕረት ለዉሉደ ሰብእ ሰአሊ ለነ ኃበ ክርሰቶሰ

ወልድኪ ይሥረይ ኃጢአተነ፡ ሰአሊ ለነ ቅድስት።

6. ማርያም ድንግል ትጻርሕ በቤተ መቅደስ ወትብል የአምር

እግዚአብሔር ከመ አልብዩ ዘአአምር ባዕደ ወኢምንትኒ ዘእንበለ
ድምፀ ቃሉ ለመልአክ ዘአብሠረኒ በክብር፡ ወይበለኒ ሰላም ለኪ ኦ
ቅድስት ድንግል፡ ፆርኪ ዘኢይትፀወር፡ አግመርኪ ዘይትገመር
ወአልቦ ዘያገምሮ ምንትኒ፡ ይበዝኅ ወዳሴኪ ኦ ምልእተ ጸጋ በኩሉ
ክብር፡ እሰመ ኮንኪ አንቲ ማሕደረ ቃለ አብ፡አንቲ ወእቱ
መንጦላዕት ሰፍህት እንተ ታሰተጋብአሙ ለመሃይምናን ሕዝበ
ክርስቲያን ወትሜህርሙ ሰጊደ ለሥሉስ ማሕየዊ፡

- አንቲ ዉእቱ ዘፆርኪ ዓምደ እሳት ዘርእየ ሙሴ ዘዉእቱ ወልደ
እግዚአብሔር መጽአ ወኅደረ ዉስተ ከርሥኪ፡ ኮንኪ ታቦቶ
ለፈጣሬ ሰማያት ወምድር፡ ፆርኪዮ በከርሥኪ ፱ተ አዉራኃ፡
አንቲ ማእምንት ለዘኢያገምርዎ ሰማያት ወምድር፡ ኮንኪ
ተንከተመ ለዕርገት ዉስተ ሰማይ፡ ብርሃንኪ የዐቢ እምብርሃነ
ፀሐይ፡ አንቲ ዉእቱ ምስራቕ ዘወፅአ እምኔኪ ኮከብ ብሩህ
ዘነፀርዎ ቅድሳን በፍሥሐ ወበኃሣት፡

- ዘፈትሐ ላዕለ ሔዋን ትለድ በፃዕር ወሕማም፡ አንቲሰ ማርያም ሰማዕኪ ዘይብል ተፈሥሒ ኦ ምልእተ ጸጋ፡ ወለድኪ ለነ ንጉሠ እግዚአ ኩሉ ፍጥረት መጽአ ወአድነነነ መሐሪ ዉእቱ ወመፍቀሬ ሰብእ፡ በእንተዝ ንዌድሰኪ በከመ ንብርኤል መልአክ እንዘ ንብል፡ ቡርክት አንቲ ማርያም ወቡሩክ ፍሬ ከርሥኪ ተፈሥሒ ኦ ምልእተ ጸጋ እግዚአብሔር ምስሌኪ ሰአሊ ለነ ቅድሰት።



ወዳሴ ማርያም ዘቀዳሚት ሰንበት



ወዳሴሃ ለእግዚአቲህ ማርያም ድንግል ወላዲተ አምላክ

ዘትነቡብ በዕለተ ቀዳሚት ሰንበት።

1. ንጽሕት ወብርሕት ወቅድሱት በኩሉ እንተ ሐቀፈቶ ለእግዚአ በእራኝ ወኩሉ ፍጥረት ይተፎሥሑ ምስሌሃ እንዘ ይጸርሑ ወይብሉ፡ ሰአሊሊነ ቅድስት።
2. ተፈሰሑ ኦ ምልአተ ጸጋ፡ ተፈሥሑ እስመ ረከብኪ ሞገሰ፡ ተፈሥሑ እግዚአብሔር ምስሌኪ። ናስተበፅዕ ዕበየኪ ኦ ግርምት ድንግል፡ ወንፌኑ ለኪ ፍሥሐ ምስለ ገብርኤል መልአክ፡ እስመ እምፍሬ ከርሥኪ ኮነ መድኃኒተ ዘመድነ፡ ወአቅረቢነ ኅብ እግዚአብሔር አቡሁ፡ ሰአሊ ለነ ቅድስት።

3. ከመ ከብካብ ዘአልቦ ጥልቀት፡ መንፈስ ቅዱስ ኅድረ ላዕሌኪ

ወኃይለ ልዑል ጸለለኪ፡ ኦ ማርያም አማን ወለድኪ ቃለ

ወልደ አብ ዘይነብር ለዓለም መጽአ ወአድነነኝ እምኃጢአት፡

ሰአሊ ለነ ቅድስት።

4. አንቲ ዉእቱ ዘመድ ዘእምሥርወ ዳዊት ወለድኪ ለነ

በሥጋ መድኃኒነ ኢየሱስ ክርስቶስ፡ ዋሕድ ቃል ዘእምአብ

ዘእምቅድመ ዓለም ህቡዕ፡ ኅብአ ርእሶ ወነሥአ እምኔኪ

አርአያ ገብር፡ ሰአሊ ለነ ቅድስት።

5. ኮንኪ ዳግሚተ ሰማይ ዲበ ምድር አ ወላዲተ አምላክ ዘእንበለ ርኩስ፡
ሠረቀ ለነ እምኔኪ ፀሐየ ጽድቅ፡ ወወለድኪዮ በከመ ትንቢት ነቢያት
ዘእንበለ ዘርእ ወኢሙሰና፡ ሰአሊ ለነ ቅድስት።

6. አንቲ ዉእቱ ደብተራ እንተ ተሰመይኪ ቅድስተ ቅዱሳን፡ ወወስቴታ
ታቦት በወርቅ ልቡጥ እምኩለሄ ወውስቴታ ጽላተ ኪዳን ወመሶበ ወርቅ
እንተ መና ኅቡእ፡ ዘዉእቱ ወልደ እግዚአብሔር መጽአ ወኅደረ ኅበ
ማርያም ድንግል፡ ዘእንበለ ርኩስ ተሰብአ እምኔሃ ቃለ አብ ወወለደቶ
ዉስተ ዓለም ለንጉሠ ሰብሐት፡ መጽአ ወኢድኅነነ፡ ትትፌሣሕ ገነት እመ
በግዕ ነባቢ፡ ወልደ አብ ዘይነብር ለዓለም፡ መጽአ ወኢድኅነነ እም
ኃጢአት፡ ሰአሊ ለነ ቅድስት።

7. ተሰመደኪ እመ ለክርስቶስ ንጉሥ፡ እምድግረ ወለድኪ ኪያሁ ነበርኪ በድንግልና በመንክር ምሥጢር ወወለድኪዮ ለአማኑኤል፡ ወበእንተዝ ዐቀበኪ እንበለ ሙሰና፡ ሰአሊ ለነ ቅድስት።

8. አንቲ ዉእቱ ሰዋሰዉ ዘርእየ ያዕቆብ እግዚአብሔር ላዕሌሁ እስመ ያርኪ በከርሥኪ ኅቱም ዘኢይትዓወቅ እምኩለሄ፡ ኮንኪ ለነ ሰአሊተ ኅበ እግዚእነ ኢየሱስ ክርስቶስ ዘተሰብአ እምኔኪ በእንተ መድኃኒትነ፡ ሰአሊ ለነ ቅድስት።

9. ናሁ እግዚእ ወፅኦ እምነኪ ኦ ቡርክት ጽርሕ ንጽህት፡ ያድኅን ኩሎ

ዓለም ዘፈጠረ በዕባዩ ሣህሉ ንሰብሐ ወንወድሶ እስመ ዉእቱ ኄር

ወመፍቀሬ ሰብእ፡ ሰአሊ ለነ ቅድስት።

10. ተፈሥሒ ኦ ምልአተ ጸጋ ድንግል ዘእንበለ ርኩስ ልሕኩት ንጽሕት

ክብረ ኩሉ ዓለም፡ ብርሃን ዘኢትጠፍእ፡ መቅደስ ዘኢትትነሠት፡

በትረ ሃይማኖት ዘኢትጸንን፡ ምስማኮሙ ለቅዱሳን፡ ሰአሊ ለነ ኅበ

ወለድኪ ኄር መድኃኒነ ይምሐረነ ወይሣሃለነ ይሥረይ ኃጢአተነ፡

ሰአሊ ለነ ቅድስት።



ወዳሴ ማርያም ዘሰንበት ክርስቲያን ቅድስት



ወዳሴሃ ለእግዝእትነ ማርያም ድንግል ወላዲተ አምላክ ዘይትነቡብ በዕለተ ሰንበት ክርስቲያን ቅድስት።

1. ተሰመይኪ ፍቅርተ ኦ ቡርክት እምአንሰት አንቲ ወእቱ ዳግሚት ቀመር እንተ ተሰመይ ቅድስተ ቅዱሳን ወወሰቴታ ጽላተ ኪዳን፡፲ቱ ቃላት እለ ተጽሕፋ በአፃብዒሁ ለእግዚአብሔር ቀዲሙ ዜነወነ በየወጣ እንተ ይእቲ ቀዳሜ ስሙ ለመድኃኒነ ኢየሱስ ክርስቶስ ዘተሰብአ እምኔኪ ዘእንበለ ወላጤ፡ወኮነ ዓራቄ ለሐዲስ ኪዳን፡ በወኒዘ ደሙ ቅዱስ አንጽሐሙ ለመሃይምናን ወለሕዝብ ንጹሐን፡ ሰአሊ ለነ ቅድስት።

- ወበእንተዝ ናዑብየኪ ኩልነ፡ ኦ እግዝእትነ ወላዲተ አምላክ ንጽሕት ኩሎ ጊዜ ንሰእል ወናንቀዑ ጎቤኪ፡ ከመ ንርኩብ ሣህለ በጎበ መፍቀሬ ሰብእ።

2. ታቦት በወርቅ ልቡጥ እምኩለሄ ዘግቡር እምዕፀ ዘኢይትቅዝ

ይትሜሰል ለነ ዘእግዚአብሔር ቃለ ዘኮነ ሰብአ ዘእንበለ ፍልጠት ወኢዉላጤ፡ መለኮት ንጹሕ ዘአልቦ ሙስና ዘዕሩይ ምሰለ አብ ወቦቱ አብሠራ ለንጽሕት፡ ዘእንበለ ዘርእ ኮነ ከማነ በኪነ ጥበቡ ቅዱስ፡ ዘተሰብአ እምነኪ ዘእንበለ ርኩስ፡ ደመረ መለኮቶ፡ ሰአሊ ለነ ቅድስት።

3. መቅደስ ዘይኬልልዎ ኪሩቤል እለ ሥዑላን በሥዕለ

እግዚአብሔር፡ ቃል ዘተሰብኦ እምኔኪ ኦ ንጽሕት
ዘእንበለ ዉላጤ ኮነ ሠራዩ ኃጥኣትነ ወደምሳሴ ኣበሳነ፡
ሰኣሊ ለነ ቅድስት።

4. ኣንቲ ዉእቱ መሶባ ወርቅ ንፁሕ እንተ ዉስቴታ መና

ኅቡእ፡ ኅብስት ዘወረደ እምሰማያት ወሀቤ ሕይወት
ለኩሉ ዓለም፡ ሰኣሊ ለነ ቅድስት።

5. እንቲ ዉእቱ ተቅዋም ዘወርቅ እንተ ያርኪ ማኅቶተ ፀዳል ኩሎ ጊዜ፡

ዘዉእቱ ብርሃኑ ለዓለም፡ ብርሃን ዘእምብርሃን ዘአልቦ ጥንት፡

አምላክ ዘእምአምላክ ዘበአማን፡ ዘተሰብአ እምኔኪ ዘእንበለ ዉላጤ፡

ወበምጽአቱ አብርሃ ላዕሌነ ለእለ ንነብር ዉስተ ጽልመት ወጽላሎቱ

ሞት፡ ወአርአትዐ እገሪነ ዉስተ ፍኖተ ሰላም በምሥጢረ ጥበቡ

ቅዱስ፡ ሰአሊ ለነ ቅድስት።

6. እንቲ ዉእቱ ማዕጠንት ዘወርቅ፡ እንተ ያርኪ ፍሕመ እሳት፡ ብሩክ

ዘነሥአ እመቅደስ ዘይሠሪ ኃጢአተ ወይደመሰስ ጌጋዮ፡ ዝ ዉእቱ

ዘእግዚአብሔር

9. ለኪዳሌ ዘእምኩሎሙ ቅዱሳን ተሰአሊ ለነ ኦ ምልእተ ጸጋ አንቲ

ተዐብዩ እምሊቃነ ጳጳሳት ወፊድፋደ ትኩብሪ እምነቢያት ብኪ ግርማ

ራእይ ዘየዐቢ እምግርማ ሱራፌል ወኪሩቤል፡ አንቲ በአማን ምክሐ

ዘመድነ ወሰአሊት ሕይወተ ለነፍሳቲነ ሰአሊ ለነ ኅቦ እግዚእነ

ወመድኃኒነ ኢየሱስ ክርስቶስ፡ ያፅንዐነ በርትዕት ሃይማኖት ዉስተ

አሚነ ዚአሁ፡ ይጸግወነ ሣህሎ ወምሕረቶ፡ ይሥረይ ኃጢአተነ

በብዝኃ ምሕረቱ፡ ሰአሊ ለነ ቅድስት።

➤ ወበእንተዝ ናዓብየኪ ኩልነ ኦ እግዝእትነ ወላዲተ አምላክ
ንጽሕት ኩሎ ጊዜ፡ ንሰእል ወናንቀዑ ጎቤኪ ከመ ንርኩብ
ሣህለ በጎብ መፍቀሬ ሰብእ። ጸሎታ ለማርያም ወስእለታ ያድጎነነ
እመዓተ ወልዳ። ጸሎታ ለማርያም ወስእለታ ለርእሰ ሊቃነ ጳጳሰነ እገሌ
.....ይዕቀቦሙ እመዓተ ወልዳ። ጸሎታ ለማርያም ወስእለታ ለመፍቀሬ
አምላክ እገሌ..... እዕቀቦሙ እመዓተ ወልዳ። ጸሎታ ለማርያም
ወስእለታ ለሕዝብ ክርሰትያን ይዕቀቦም እብመዓተ ወልዳ። ጸሎታ ለማርያም
ወስእለታ ለሀገረትነ ይዕቀባ እመዓተ ወልዳ።



አንቀጸ ብርሃን



1. ዉዳሴ ወግናይ ለእመ አዶናይ: ቅድስት ወብፅዕት፡ ሰብሕት ወቡርክት፡ ክብርት ወልዕልት ዐንቀጸ ብርሃን፡ መዓርገ ሕይወት ወማኅደረ መለኮት ቅድስተ ቅዱሳን፡ አንቲ ዉእቱ ኦ እግዚትነ ወላዲተ አምላክ ማርያም ድንግል፡ ተሰመይኪ ሥምረተ አብ ወማኅደረ ወልድ፡ ወምጽላለ ዘቅዱስ መንፈስ፡ ኦ ብርክት እምክሉ ፍጥረት፡ አንቲ ዉእቱ ህየንተ አርያም ዘበሰማያት ዘኮንኪ አርያመ በዲበ ምድር፡ ብኪ አስተማሰሉ ቅዱሳን ነቢያት፡ ካህናት ወነገሥት፡ ገብሩ ሎሙ ቅድስተ ቅዱሳን፡ ወዉስቴታ ጽላተ ኪዳን፡ ወልድኪ ሣህሎ ይክፍለነ፡ ሰአሊ ለነ ቅድስት።

2. በእንተ ተሠግዎቱ ለወልደ አምላክ እምኔኪ፡ ውብኪ ቅሩባነ

ኮነ። ዐሠርቱ ቃላት እለ ተጽሕፋ በአፃብዒሁ ለእግዚአ ኩሉ

ፍጥረት፡ ኅደረ ወልደ አምላክ ላዕሌኪ አብ በየማኑ ከደነኪ

ወቅዱስ መንፈስ ጸለለኪ ወኃይለ ልዕል አጽንዐኪ፡ ወኢየሱስ

ለብስ ሥጋ ዚአኪ ከልሐ ወይቤ፡ ዘጸምአ ይምጻእ ኅቤየ

ወይሰተይ፡ በከመ ይቤ መጽሐፍ አፍላገ ማየ ሕይወት

ዘይወኅዝ እምከርሡ፡ ወልድኪ ሣህሎ ይክፍለነ ሰአሊ ለነ

ቅድስት።

3. ቀዲሙ ዜነወነ አብ በየውጣ እንተ ይእቲ ዐሠርቱ ቃላት እለ ተጽሕፋ

በአፃብዒሁ ለእግዚአብሔር፡ ወመሀረነ ወልድከ እግዚእነ ወመድኃኒነ

ኢየሱስ ክርስቶስ፡ ከመ አንተ ባሕቲትከ አቡሁ ሎቱ ወውእቱ

ባሕቲቱ ወልድ ለከ፡ ከመዝ ነአምን ዘአልቦቱ እም በሰማያት፡ ወአብ

በዲበ ምድር፡ ዘወረደ እምሰማያት እንዘ አልቦ ዘየአምር ምጽአቶ

ዘእንበለ አቡሁ ባሕቲቱ ወጴራቅሊጦስ መንፈስ ጽድቅ፡ ኅደረ ዉስተ

ከርሥኪ ወዶርኪዮ ተስዐተ አውራኅ፡ ተፈሥሑ ሰማያት ወተኃሥየት

ምድር በልደቱ ለወልድኪ፤

- መልአክ ዜነወ ፍሥሐ ወሓራ ሰማይ ሰብሑ እንዘ ይብሉ "ሰብሐት ለእግዚአብሔር በሰማያት፡ ወሰላም በምድር ለዕዳለ እመሕያወ ሥምረቱ" ወኖሎት በቤተልሔም አንከሩ እምዘርእዩ ወሰምዑ፡ ሰብአ ሰገል ርእዮሙ ኮከበ መጽኑ እምርኑቅ ብሔር ከመ ይሰግዱ ለወልድኪ ወይግነዩ ለኪ፡ ውእቱ ኮከብ ዘመርሐሙ እምሥራቅ ወአብጽሐሙ እስከ ቤተልሔም ወቆመ መልዕልቴኪ ኅበ ሀሎኪ አንቲ ምስለ ሕፃንኪ፡ ወርእዮሙ እሙንቱ መሰግላን

4. አንቲ ዉእቱ ንጽሕት እምንጹሐን፡ድንግል ሕሩይ ዘነበርኪ ውስተ ቤተ መቅደስ

ከመ ታቦት ዘግቡር እምዕፅ ዘኢይነቅዝ፡ ሥርግዉ በወርቅ ንጡፍ ወልቡጥ

በዕንቀኒ ባሕርይ ዘየኃቱ ዘብዙኅ ሓጡ፡ከመዝ ነበርኪ ዉስተ ቤተ መቅደስ፡

ወመላእክት ያመጽኡ ወትረ ሲሳየኪ፡ ከመዝ ነበርኪ ዐሠርተ ወክልኤተ ዓመተ

እንዘ ትትናዘዚ እምኅበ መላእክት ሰቴኪኒ ሰቴ ሕይወት ዉእቱ። መብልዕኪኒ

ኅብስት ሰማያዊ፡ ዳዊት አቡኪ ዘመረ በመሰንቆ ውኅለየ በመዝመር እንዘ ይብል

በመንፈስ ትንቢት፡ ስምዒ ወለትየ ወርእዩ ወአፅምዒ እዝነኪ፤ ርሰዒ ሕዝበኪ

ወቤተ አቡኪ እስመ ፈተወ ንጉሥ ሥነኪ፡ እስመ ዉእቱ እግዚእኪ ወሎቱ

ትሰግዒ፡ ወልድኪ ሣህሎ ይክፍለነ ሰአሊ ለነ ቅድስት።

5. ገብርኤል መልአክ እመላእክት ንጹሐን ዘአልቦ ሙስና፡ እመላእክት

ቀደምት ዘይቀወም ቅድመ እግዚአ ኩሉ አብሠረኪ ወይቤለኪ ተፈሥሒ
ፍሥሕት ኦ ምልእተ ጸጋ እግዚአብሔር ምስሌኪ ቡርክት አንቲ እምአንሰት
ረከብኪ ሞገሰ በኅብ እግዚአ ኩሉ ወናሁ ትፀንጺ ወትወልዲ ወልደ፡ ወትሰምዱዮ
ሰም ኢየሱስ፡ ዉእቱ ዓቢይ ወይሰመይ ወልደ እግዚአብሔር ልዑል ወይሁብ
እግዚአብሔር አምላክ መንበረ ዳዊት አቡሁ፡ ወይነግሥ ለቤተ ያዕቆብ ለዓለም፡
ወአልቦ ማኅለቅት ለመንግሥቱ፡ መንፈስ ቅዱስ ይመጽእ ላዕሌኪ፡ ወኃይለ ልዕል
ይጸልለኪ፡ ዘኒ ይትወለድ እምኔኪ፡ ቅዱስ ዉእቱ ወይሰመይ ወልደ እግዚአ ኩሉ
ዘተወልደ እምኔኪ፤ ወልድኪ ሣህሎ ይክፍለነ ሰአሊ ለነ ቅድስት።

6. አንቲ ዉእቱ ዘኮንኪ ጽርሐ ቅድሳት ወመቅደስ ቅድስተ

ቅዱሳን ወመንጦላዕተ ብርሃን፡ ወመንበረ ሰብሐት

ዘኢይተረጎም፡ አስተማሰልናኪ ኦ ቅድስት ማርያም በመቅደስ

ቅድስተ ቅዱሳን፡ በእንተ ቅዱስ መንፈስ ዘመጽአ ላዕሌኪ፡

ወኃይለ ልዑል ጸለለኪ፡ ወመንጦላዕተ ብርሃንሰ በእንተ

ዘተሠወረ ቃለ አብ ኢየሱስ ክርስቶስ መድኃኒነ ዉስተ

ክርሥኪ፡ እግዚአ ኩሉ ዘመልዕልት፡ ዘይሴብሕዎ መላእክት

ወሊቃነ

- መላእክት አጋአዝት ወሥልጣናት ኃይላት ወመናብርት ወመኳንንት። ወሶበ
ወለድኪ ወልደኪ በዲበ ምድር በውስተ ጎል ከለሉኪ ኪሩቤል እለ
ብዙኃት አዕንቲሆሙ። ወሱራፌል እለ ሰድሰቱ ክነፈሆሙ። ወደመናተ
ብርሃን ፆርኪ። ሊቃነ መላእክት ወሠራዊተ መላእክት ወሐራ ሰማይ ቆሙ
ቅድሜኪ በፍርሃት ወበረዓድ። ወበህየ በካልእ ሰብሐት ወደሱኪ ኪሩቤል
ወሱራፌል ዘኢኮነ እምሰብቲሆሙ ዘዉስተ ሰማያት ወኢ
እምሰብሐቲሆሙ ዘትካት፤ ወሶበ ርእዩ እግዚአሎም ዘአስተጋብአ ኩሎ
ፍጥረታት እንዘ ይነብር ዉስተ ኅፅንኪ። ወዘይሴሲ ለኩሉ ፍጥረት ይጠቡ
ሐሊበኪ ከመሕፃን። ኅሠሥዎ ውስተ አርያም ወበህየ ረከብዎ ምስለ
አቡሁ ወመንፈስ ቅዱስ ከመ ትካት።

- ወሶበ ርእዩ ትሕትናሁ ለእግዚአብሔር አልዐሉ አዕይንቲሆሙ ላዕለ ውሰተ ኦርያም፡
ሰፍሑ ከነፈሆሙ ወሰብሑ ለእግዚአብሔር እንዘ ይብሉ ሰብሐት ለከ እግዚአብሔር
በሰማያት፡ ወዓዲ ርእዩኪ በውሰተ በዓት ለኪ ለባሕቲትኪ ምስለ ሕፃንኪ
ወይቤሉ ሰላም በዲበ ምድር፡ ወሶበ ርእዩ እንዘ ይለብስ ሥጋ ዚአነ ዘነሥአ
እምኔኪ ሰገዱ እንዘ ይብሉ ለዕጻለ እመሕያወ ሠምሮ። ዳዊት ነቢይ ተነበየ
በመዝሙር እንዘ ይብል፡ እምሰማይ ሐወፀ እግዚአብሔር ወእምድልወ ጽርሐ
መቅደሱ፡ ወርእየ ኩሎ ደቂቀ ዕጻለ እመሕያወ፡ ፈተወ ንጉሥ ሥነኪ ወይቤ
ዛቲ ይእቲ ምዕራፍየ ለዓለም፡ ዝየ አኃድር እስመ ኅረይክዋ፡ ወልድኪ ሣህሎ
ይክፍለነ ሰአሊ ለነ ቅድስት።

7. አስተማሪና ኪ ቅድስት ወብፅዕት፤ ስብሕት ወቡርክት፡ ክብርት ወልዕልት

በመሶበ ዘወርቅ፡ ዘውሱቴታ ኅብስተ ሕይወት ዘወረደ እምሰማያት፡ ወሀቤ ሕይወት ለኩሉ፡ ዘየአምን ኪያሁ ወይበልዕ እምኔሁ በአሚን ወበልብ ሥሙር ምስለ እለ በየማኑ። ውልድኪ ሣህሎ ይክፍለነ ሰአሊ ለነ ቅድስት።

8. አንቲ ዉእቱ ተቅዋም ዘወርቅ ዘኢገብራ እደ ኬንያ ዘሰብእ፡ ወኢያኃትዉ

ዉሱቴታ ማኅቶተ፡ አላ ለሊሁ ብርሃን አብ፡ ብርሃን ዘእምብርሃን፡ መጽአ ኅቤኪ ወነበረ መልዕልቴኪ፡ ወአብርሀ መለኮቱ ወስተ ኩሉ አጽናፈ ዓለም፡ ሰደደ ጽልመተ እምላዕለ ሰብእ፡ ወኢድኃነነ ብቃሉ ማሕያዊ እንዘ ይብል፡ አነ ዉእቱ ብርሃኑ ለዓለም፡ እመኑ በብርሃኑ ወአንሶሰዉ እንዘ ብክሙ ብርሃን፡ ወልድኪ ሣህሎ ይክፍለነ፡ ሰአሊ ለነ ቅድስት።

9. እግዚአብሔር ዘእም እግዚአብሔር፡ ብርሃን ዘእም-ብርሃን፡ እግዚእ

ዘበአማን፡ ዘእምእግዚአብሔር ዘበአማን፡ ዘተወልደ ወአኮ ዘተገብረ፡

ኅቡር ህላዌሁ ምስላ አቡሁ ዘቡቱ ኩሉ ኮነ፡ ዘበሰማይኒ

ወበዘምድርኒ። ዘበእንቲአነ ለሰብእ ወበእንተ መድኃኒትነ ወረደ

ወተሠገወ ወተሰብእ እማርያም እምቅድስት ድንግል፡ ወበምጽአቱ

አብርሀ ላዕሌነ ወዜነወነ ትፍሥሕተ ወኃሄተ ወአቅወኃሄተ ኅበ

አቡሁ ወመርሐነ ፍኖተ ሕይወት ወወሀበነ ሕይወት ዘለዓለም

በአሚነ ዙአሁ። ኢሳይያስ ነቢይ እምትእዛዙ ለኢየሱስ

- አንከረ በትንቢት ወይቤ፡ ብርሃን ትእዛዝከ በዲባ ምድር።

ዘካርያስ ካህን አረጋዊ ዲድቅ ወንጹሕ ዘይገብር ትእዛዙ

ለእግዚአ ኩሉ፡ አንከረ ወቀደመ፡ ከሠተ አፋሁ ወይቤ፡

በሣህሉ ወበምሕረቱ ለአምላክነ ለዘሐወፀነ እምኣርያም፡

ወሠረቀ ከመ ያርእዮሙ ብርሃኖ ለእለ ይነብሩ ዉስተ

ጽልመት ወጽላሎተ ሞት፡ ወአርትዐ እገሪነ ዉስተ ፍኖተ

ሰላም ከመ ይምሓረነ፡ ወልድኪ ሣህሎ ይክፍለነ ሰአሊ ለነ

ቅድስት።

11. አንቲ ዉእቱ ዕፅ ቡሩክ፡ ዕፅ ሕይወት ወዕፀ መድኃኒት

ህየንተ ዕፀ ሕይወት ዘውሰተ ገነት፡ ዘኮንኪ ዕፀ ሕይወት

በዲበ ምድር። ፍሬኪኒ ፍሬ ሕይወት ዉእቱ፡ ወዘበልዐ

እምኔሁ ሕይወተ ዘለዓለም የሓዩ። ጽጌ አሰተርአየ እምኔኪ፡

ዘሠናየ መዓዛ ይምዕዝ በኀበ እለ የአምርዎ ዉሰተ ኩሉ

አጽናፈ ዓለም፡ ዘበእንቲአሁ ተነበየ ዳዊት በመዝሙር እንዘ

ይብል፡ ከርቤ ወሚዓ ወሰሊክ እምነ አልባሰኪ፡

- ሰሎሞን አብኪ ተነበየ ወይቤ፡ ዪና አንፍኪ ከመ ዪና ስኂን፡
ገነት ዕፁት እኅትየ መርዓት፡ ገነት ዕፁት ዐዘቅት ኅትምት
ፍናወ ዚአኪ፡ ገነት ምስለ ፍሬ አቅማሕ፡ ቆዕ ምስለ ናርዶስ፡
ናርዶስ ዘምስለ መጽርይ ቀጺመታት ወቀናንምስ ምስለ ኩሉ
ዕፁወ ሊባኖስ፡ ከርቤ ወዓልዉ ምስለ ኩሉ መቅድመ
ዕፍረታት፡ ነቅዐ ገነት ዐዘቅተ ማየ ሕይወት ዘይዉሕዝ
እምሊባኖስ፡ ወልድኪ ሣህሎ ይክፍለነ ሰአሊ ለነ ቅድስት።

12. በትረ አሮን እንተ ሠረፀት ዘእንበለ ተክል ወኢሠቀይዋ ማየ

በቤተ መቅደስ፡ ወረሰያ ድሉተ ለካህናት፡ ከማሃ አንቲኒ ነበርኪ

ዉስተ ቤተ መቅደስ በቅድስና ወበንጽሕ ወወፃእኪ እምቤተ መቅደስ

በክብር ወበዓቢይ ፍሥሐ፡ ወሠረፀ እምኔኪ ፍሬ ሕይወት ዘበአማን

እግዚእነ ወመድኃኒንነ ኢየሱስ ክርስቶስ፤ ኦ ቅድስት ዘእንበለ ሩካቤ

ረከብኪ ወልደ በከመ ተጠየቂዮ ለመልአክ ወይቤሌኪ፡ መንፈስ

ቅዱስ ይመጽእ ላዕለኪ ወኃይለ ልዑል ይጾልለኪ፡ ወልድኪ ሣህሎ

ይክፈለነ ሰአሊ ለነ ቅድስት።

13. ለኪ ይደሉ ለአግብርትኪ ወለአእማትኪ ትሰአሊ ለነ ኅብ

ወልድኪ፡ ለእለ አመነ በሰመ ወልድኪ፡ አ ምልእተ ጸጋ፡ አ ሙኃዘ

ፍሥ ሐ፡ ፈድፋድ ብኪ ግርማ ራእይ ዘየዐቢ እምኪ፡ ፍቤል እለ

ብዙኃት አዕንቲሆም ወሱራፌል እለ ሰድሰቱ ክነፈሆም፡ እልክቱ

ይከድኑ ገጾሙ ወእገረሆሙ በአርአያ ትእምርተ መስቀል፡ ከመ

ይድኃኑ እምእሳት ዘይወፅእ እመለኮተ ወልድኪ፡ አንቲሰ ኮንኪ

ማጎፈደ ለመለኮት፡ ወኢያዉዐየኪ እሳተ መለኮት ያርኪ ነበልባለ

እሳት፡ ወኢያዉዐየኪ ነበልባለ መለኮት፡

- ተመሰልኪ ዕፀ ጳጦስ ዘርእየ ሙሴ በነደ እሳት ወዕፀታ ኢዉዕየ፡ ከማሁ ኢያዉዐየኪ እግዚአ ኃይላት ዘኩለንታሁ እሳት ፍጹም፡ አንቲ በአማን ዘኮንኪ ምክሐ ለዘመደ ክርስቲያን። ውብኪ ቅሩባነ ኮነ እምድር ለማኅደር ዉስተ አርያም፡ በእንተ ተሠግዎቱ ለወልደ አምላክ እምኔኪ ሰአሊት ለነፍሳቲነ ሕይወተ ኦ ጸጋዊተ ምሕረት ለእለ የአምኑ በጸሎታ፡ ሰአሊ ለነ ኅበ እግዚእነ ወመድኃኔነ ኢየሱስ ክርስቶስ ያጽንዐነ በርትዕት ሃይማኖት ዉስተ አሚነ ዚአሁ ወዘአቡሁ ወዘቅዱስ መንፈሱ፡ ይጸግወነ ሣህሎ ወምሕረቶ ይሥረይ ኃጢአተነ በብዝኅ ምሕረቱ፡ ስብሐት ለኪ ኦ ወላዲተ እግዚአ ኪሉ አኮቴት ወክብር ለአብ ወወልድ ወመንፈስ ቅዱስ፡ ይእዜኔ ወዘልፈኔ ወለዓለም ዓለም አሜን ወልድኪ ሣህሎ ይክፍለነ፡ ሰአሊ ለነ ቅድስት።

+ በእንተ ተሠግዎቱ ለወልደ አምላክ እምኔኪ፡ ውብኪ ቅሩባነ ኮነ እምድር ለማኅደር ዉስተ አርያም፡ብኪ ወበስመ ወልድኪ ቅሩባነ ኮነ።

ይዌድስዋ መላዕክት



1. ይዌድስዋ መላእክት ለማርያም በዉስተ ዉሥጤ መንጦላዕት፡ ወይበልዋ

በሐኪ ማርያም ሐዳስዩ ጣዕዋ። ይቤላ መልአክ ለማርያም ተወከፈዮ

ለቃል ኅቤኪ ይመጽእ ወበማኅፀነ ዚአኪ የኅድር፡ እፎ ቤተ ነዳይ ኅደረ

ከመ ምስኪን እምሰማያት ወረደ ላዕሌሃ ፈቲዎ ሥነ ዚአሃ ወተወልደ

እምኔሃ።

2. ወበሳድስ ወርጎ ተፈነወ ገብርኤል መልአክ እምነበ እግዚአብሔር ጎበ

አሐቲ ሀገር ዘገሊላ እንተ ሰማ ናዝሬት ጎበ ድንግል እንተ ተፍጎረት

ለብእሲ ዘሰሙ ዮሰፍ ዘእምቤተ ዳዊት፡ ወሰማ ለይእቲ ድንግል ማርያም፡

ቦአ መልአክ ጎበሃ ወይቤላ ተፈሥሒ ፍሥሕት ኦ ምልእተ ጸጋ

እግዚአብሔር ምስሌኪ፡ ብርክት አንቲ እምአንስት ወርእያ ደንገፀት

እምቃሉ ወሐለየት ወትቤ፡ እፎኑ ከመዝኑ እንጋ አምኃ ይትአምኑ ወይበላ

መልአክ ኢትፍርሂ እሰመ ረከብኪ ሞገሰ በጎበ እግዚአብሔር ወናሁ

ትፀንሲ ወትወልዲ ወልዲ ወትሰምዪዮ ሰሞ ኢየሱስ ወእቱ ዐቢይ

ወይትሰመይ ወልዲ እግዚአብሔር ልዑላኛ

ወናሁ ሳድስ ዝንቱ ወርኅ ለእንተ ይብልዎ መካን እስመ አልቦ ነገር ዘይሰአኖ

ለእግዚአብሔር፡ ትቤሎ ማርያም ለመልአክ ነዩ አመቱ ለእግዚአ ኩሉ ነዩ

አመቱ።ይኩነኒ በከመ ትቤለኒ።ይቤላ መልአክ ሰላም ለኪ።

3. ይቤላ ገብርኤል ሰላም ለኪ።

- ማርያም ድንግል ሰላም ለኪ።
- ወላዲተ አምላክ ሰላም ለኪ።
- ማርያም ቅድስት ሰላም ለኪ።
- ማርያም ዉድስት ሰላም ለኪ።
- ማርያም ፍሥሕት ሰላም ለኪ።

- ማርያም ብፅዕት ሰላም ለኪ።
- ማርያም ቡርክት ሰላም ለኪ።
- ማኅደረ መለኮት ሰላም ለኪ።
- ደብተራ ፍጽምት ሰላም ለኪ።
- እኅተ መላእክት ሰላም ለኪ።
- ወእመ ኩሉ ሕዝብ ሰላም ለኪ።
- እግዚእትነ ማርያም ሰላም ለኪ።
- ሰላማዊት ሰላም ለኪ።
- ቀደሰኪ ለማህደሩ ልዑል ሰላም ለኪ።

- አብደረኪ ወኅረየኪ ከመ ትኩኒዮ ማኅደሮ ሰላም ለኪ።
- በአልባሰ ወርቅ ዑፅፍት ወኅብርት ሰላም ለኪ።
- ክንፈ ርግብ በቡሩር ዘግቡር ሰላም ለኪ።
- ወገበዋቲሃኒ በሐመልማለ ወርቅ ማርያም ሥርጉት ሰላም ለኪ።
- ጥገተ ምሥራቅ ወእሙ ለብርሃን ሰላም ለኪ።
- ትበርሂ እምፀሓይ ወትትሌዐሊ እምአድባር ሰላም ለኪ።

➤ ማርያም ኅርት ወክብርት ሰላም ለኪ፡

† ሰአሊ ለነ ኅብ እግዚእነ ወመድኃኒነ ኢየሱስ ክርስቶስ፡ ከመ

ያድኅነነ እመ ይመጽእ በሰብሐተ አቡሁ ምስለ መላእክቲሁ

ቅዱሳን፡ እመ ያቀዉም አባግዐ በየማኑ ወአጣሌ በፀጋሙ፡

ያቋመነ በየማኑ ምስለ እስጢፋኖስ ሰማዕት ወዮሐንስ

መጥምቅ። ወምስለ ኩሎሙ ቅዱሳን ወሰማዕት ለዓለመ ዓለም

አሜን።

✦ **ጸሎታ ለማርያም ወስኔለታ ያድኅኑኝ እመዓተ**

ወልዳ፡ጸሎታ ለማርያም ወስኔለታ ለርእሰ ሊቃነ ጳጳሱን

እገሌ.....ይዕቀቦ እመዓተ ወልዳ፡ ጸሎታ ለማርያም

ወስኔለታ ለመፍቀሬ አምላክ.....ይዕቀቦሙ እመዓተ

ወልዳ፡ ጸሎታ ለማርያም ወስኔለታ ለሕዝብ ክርሰቲያን

ይዕቀቦሙ እመዓተ ወልዳ፡ ጸሎታ ለማርያም ወስኔለታ

ለሀገሪትኝ ኢትዮጵያ ይዕቀቦሙ እመዓተ ወልዳ።



መልክአ ማርያም



- 1. **ማርያም ስጋ የት** መክፈልተ ሠናየ ዘኢየሳይድዋ ይእቲ ፀዓዳ ዘእምነገደ ይሁዳ ሠረገላተ አሚናዳብ ንብረታ። በጎዳር ጽዮን “ሙሴኒ ይቤላ” በል።
- 2. **ሰላም ሰላም ለዝክረ ሰምኪ** ሐዋዝ፡ እምነ ከልበኔ ወቀሱጥ ወእምነ ሰንበልት ምዑዝ፡ ማርያም ድንግል ለብሲተ ዐቢይ ትእዛዝ፡ ይሥቅየኒ ለለጽባሑ ወይነ ፍቅርኪ አዚዝ፡ ከመ ይሠቅዮ ወሲዝ ለሠናይ አርዝ።
- 3. **ሰላም ለሥዕርተ ርእሰኪ** ዘተንእደ ፅፍሮሁ፡ ለአቡኪ በከናፍሪሁ፡ ማርያም ድንግል ለእግዚአብሔር ጽርሑ፡ ለገብርኪ እግዚእትየ ኢትጎድግኒ እላሁ፡ ከመ ኢይበሉኒ ፀር አይቴኑመ ምክሑ።

4. ሰላም ለርእሰኪ በቅብዐ ቅዳሴ ርሑሰ፡ አኮ አኮ በቅብዐ ደነሰ፡ ማርያም ድንግል
ንጽሕተ ሥጋ ወነፍሰ፡ ያንጽሓኒ እምነ ርኩሰ በፍሕመ ቀርባኑ ቅዱሰ፡ አዝዚዮ
ለሱራፊ ዘሰማይ ቀሲሰ።

5. ሰላም ለገሰኪ ዘጥቀ ይልሂ፡ እምሥነ ከዋኩብት ወወርኅ ወእምሥነ ፀሐይ
መብርሂ፡ ማርያም ድንግል ፍናዋትዮ ሠርኒ፡ በመዓልት ወበሌሊት ኢይርከበኒ
ጸናሒ፡ መሥገርተ አበሳ ዘይጠፍር ወግበ ዘይደሂ።

6. ሰላም ለቀራንብትኪ ደመናተ ብካይ እለ ኮና፡ ከመ አመ አሕመመ ወልደኪ
ቅንአተ ቀያፍ ወሐና፡ ማርያም ድንግል ለባሲተ ንጽሕ ወቅድሰና፡ አስምዕኒ ነገረ
ጽድቅ ዘያስተፌሥሕ ሕሊና፡ ከመ አስተፍሥሐኪ ጥቀ ዘመልአክ ዜና።

7. ሰላም ለአዕይንትኪ ዘተመሰላ ኣብያዘ፡ እለ ይፌጽማ ትእዛዘ፡ ማርያም ድንግል እንተ ኢተአምሪ ጋዕዘ፡ ናዝዝኒ በንባብኪ እመ ልብዩ ተከዘ፡ በሐብለ ሰቆቃዉ ጽኑዕ ኢይኩን እኑዘ።

8. ሰላም ለአዕዛንኪ እለ ሰምዓ ቃሎ፡ እግዚአብሔር እግዚእ ሶበ ለገብርኤል ተመሰሎ። ማርያም ድንግል ጽሕቕት ለተሣህሎ፡ ሶበ ለልብዩ እሳተ ኅዘን አሕለሎ፡ ያፅምኣኒ እላ ነገርዩ ኩሎ።

9. ሰላም ለመላትሕኪ በእሳተ አንብዕ እለ ዉዕያ፡ ጊዜ ሰቀሉ በኩረኪ ዉሉደ ራኔል ወልያ፡ ማርያም ድንግል ለነብሰዩ ደብረ ምስካያ፡ አድኅነኒ እምአፍ ደም ዘአናብሰተ ሐቕል አርአያ፡ ከመ ማኅፈር ጠቢብ ወምእመን ኬንያ።

10. ሰላም ለአዕናፍኪ መሳክወ ሠናይ መግዛ፡ ይኼይስ ፈድፋድ እምጻና

ሰኒን ዘጠረጴዛ፡ ማርያም ድንግል ለሕይወትየ ምርጉዛ፡ ሰዋሰዉ ዘምድረ

ሎዛ እንተ ርእየኪ ወሬዛ፡ አመ ዕለተ ፍዳ ኩንኒ ቃዉመ ወቤዛ።

11. ሰላም ለከናፍርኪ ከመ ፍሕሶ ቀይሕ፡ ቅዳሴ ወንጽሕ፡ ማርያም

ድንግል ኖኃተ ጽባሕ፡ ባልሕኒ እምነ ወይሴ ወአንግፍኒ እምላህ፡ እስመ

ለልብየ ኅዘኑ ብዙኅ።

12. ሰላም ለአፍኪ ዘሰዐመ ርሰነ፡ እንዘ አበ አዕሩግ ዉእቱ በጊዜ ኮነ ሕፃነ፡

ማርያም ድንግል ዘትፃንዊ ሰኅነ፡ ኅፍረተ አበሳ ሶበ ገጽየ ተከድነ፡

ለናዝዞትየ እመ ብጽሒ ፍጠካ።

15. ሰላም ለእስትንፋሱኪ ዘመዓዛሁ ሕይወት፡ ከመ መዐዛ ዕፅ ጎሩይ
ዘዉስተ ገነት፡ ማርያም ድንግል ቤተ ቅድሳት፡ጽንሕኒ ዉስተ ሠናይ
ወሠዉርኒ እሞት፡ በአክናፍኪ ርግብየ ጎሪት።

16. ሰላም ለጉርዔኪ ሠናይ እምወይን፡ በከመ ይቤ ሰሎሞን፡ ማርያም
ድንግል ለባሲተ ዐቢይ ብርሃን፡ ከድንኒ ገርዜነ ጸጋ ኢያዕፅበኒ ዕርቃን፡
ዘኢአነምዎ ጠቢባን በኪን።

17. ሰላም ለክሳድኪ ቃማ ንጽሕ ዘዐነቀ፡ ከመ አዋልድ አኮ ብሩረ
ወወርቀ፡ ማርያም ድንግል ዘተመሰልኪ ማዕነቀ፡ ሕይወትየ በንዝህላል
እመ ተሠልጠ ወኅልቀ፡ ወስከኒ ከሪማተ እስከ እገብር ጽድቀ።

18. ሰላም ለመታከፍትኪ እለ ግጥሃት እማንቱ፡ ለጌጋይ እምነ አርዑቱ፡

ማርያም ድንግል ለሆሤዕ ሠርጎ ትርሲቱ፡ በልኒ እግዝእትየ ጸሕቀ

ሕሊናየ ዝንቱ፡ ፍኖተ የማን ይምራሕከ ወተአኩት ቦቱ።

19. ሰላም ለዘግንኪ እምዘገነ ኪሩብ ዘዑብየ፡ ሐዚሎ እሳተ ወእምርሰነ ነዱ

ኢዉዕየ፡ ማርያም ድንግል ፈጸሚተ ኩሉ ጸሕቅየ፡ ሀብኒ እግዝእትየ

ዘተመነይኩ ሠናየ፡ እንበለ አፅርዖ ፍጡነ በጸሐኪ ዝየ።

20. ሰላም ለእንግድዓኪ ለእሳተ መለኮት ምርፋቁ፡ ማርያም ድንግል

ለነዳይ ንዋየ ወርቁ፡ እመ ነገደ ርጎቀ ወሐረ ዕራቁ፡ ኢያጎዝኖ ሲሳይ

እስመ አንቲ ሰንቁ።

21. ሰላም ለጎፅዊተ ለጥበበ ሰማይ ምዕራፋ፡ ዘኢትረኩብ ሱታፋ፡ ማርያም ድንግል ጸጋዊተ ሰላም ወተሰፋ፡ ኩንኒ እግዚእተየ ቅድመ ፀርየ ሐገፋ፡ ከመ ያፍ አፍኅርቲሃ ትህጫር በክንፋ።

22. ሰላም ለአእዳዉኪ እሳተ መለኮት እለ ገሠሣ፡ አውቃፈ ብሩረ ወወርቅ ለሥርጋዌሆን ኢጎሠሣ፡ ማርያም ድንግል ለመካን ህንባበ ከርሣ፡ አንጽሕኒ እግዝእተየ ለፍትወተ ዓለም እምርኩሳ፡ በዲበ ሥጋየ ኢትንበር ነጊሣ።

23. ሰላም ለመዛርዕኪ ዘተረሰያ ኃይለ፡ ከመ ይፀራ ነበልባለ፡ ማርያም ድንግል እንተ ኅጣእኪ መምሰለ፡ ኃጢአትየ ለገብርኪ ከመ ፈድፈዶ ተለዐለ፡ ከመ ጥቅም ዘባባል ረሰዩ ንኑሰ።

24. ሰላም እብል ለኩርናዕኪ እዌድሶ፡ ለእሳተ መለኮት በላዒ ኣምጣነ ኮነ ትርኣሶ፡ ማርያም ድንግል ምዕዝት ዘእምኣንክሶ፡ ህልዊ ደርገ ምስሌየ እንዘ ኣልብኪ ተግኅሦ፡ ለሕሊና ልብየ ወትረ እንግርኪ ማኅሠሣ።

25. ሰላም ለእመታትኪ እለ ጸንዓ ይፍትላ፡ ሜላተ ወወርቀ በናዝሬት ወበገሊላ፡ ማርያም ድንግል ለዮዲት ጥበበ ቃላ፡ ብጽሒ በሠረገላ ንትመሐል መሐላ፡ ከመ ታኅድርኒ በብሔር ዘተድላ።

26. ሰላም ለእራታትኪ እለ ሰፍሐት ለመጥዎ፡ ማርያም ድንግል እስእለኪ በተሰፋዎ፡ ከመ እክህል በበ ያታሁ ስብሐታተኪ ዜንዎ፡ ለገብርኪ ዓብድ ምልእኒ ለብዎ።

27. ሰላም ለአፃብዕኪ እምእራኝ እዴኪ እለ ሠረፃ፡ እምኅልቄ ሠላድ ወሱብዕ እንዘ ኢየሐፃ፡ ማርያም ድንግል ደብረ ኤልያስ ነቢየ ፋጻ፡ ዕቀብኒ በረድኤትኪ እምነ እርዌ ዘኖፃ፡ ህየንተ ሠናይ ለሱብእ ዘይሁብ ዐመፃ።

28. ሰላም ለአፀሁብ እዴኪ መልዕልተ አፃብዕ እለ ሠረቃ፡ በበሕቕ ዘልፈ እንዘ ይልኅቃ፡ ማርያም ድንግል ማኅቶትየ በውስተ ጣቃ፡ ኢትሰድኒ ለገበርኪ ለዓመትየ በንፍቃ፡ ዝንቱ ውእቱ ለልብየ ጻሕቃ።

29. ሰላም ለአጥባትኪ እለ አውኃዛ ፍጽመ፡ ድንግልናዌ ሐሊበ ዉስተ አፈ አምላክ ቅድመ፡ ማርያም ድንግል እንተ አምጸእኪ ሰላመ፡ ኅክታመ፡ ዘእንበሌኪ ኢየኅሥሥ እመ።

30. ሰላም ለገቦኪ ዘሐመልማለ ወርቅ ክዳኑ፡ በከመ ዳዊት ይዜኑ፡ ማርያም ድንግል ለያቆብ ሞገሶ ሥኑ፡ በልኒ እግዝእትየ አፈቅረከ አኮኑ፡ እንዘ ረዳኢትከ አነ ዘይክለከ መኑ።

31. ሰላም ለከርሥኪ ዘአፈድፈደ ተበፅዖ፡ እምታቦተ ሙሴ ነቢይ ለጽሌ ትእዛዝ ዘየኅብአ፡ አምርያም ድንግል ጊዜ ጽዋዕኩኪ በአስተብቀኦ፡ ለፀርየ ብእሴ ዐመፃ ኃይለ ዚአኪ ይጽብዖ፡ እስከነ ያስቆቁ ጥቀ ድኅሪተ ገቢአ።

32. ሰላም ለልብኪ እምነ በቀል ርኅቅ፡ እምጥነ ዐረብ ወሠርቅ፡ ማርያም ድንግል ገነት ኅሩያን ደቂቅ፡ ከድንኒ ልብሰ ከብካብ ለቅኑይኪ ዕሩቅ፡ ከመ ጽጌሁ ዘወርቅ።

33. ሰላም እብል ለኩልያትኪ ክልኤ፡ ዘቅብዐ ክህነት ቀርን ወዘወይነ ትፍሥሕት ግምዔ፡ ማርያም ድንግል ብልኒ ቅድመ ጉባኤ፡ ሕፃንየ በእንቲአየ ይከዉነከ ረዳኤ፡ እመራደ ፀርከ ሕቀ ኢትፍራህ ትንሣኤ።።

34. ሰላም ለሕሊናኪ ሐልዮ ሠናያት ልማዱ፡ ወገበረ ምሕረት መፍቅዱ፡ ማርያምን ድንግል ለዳዊት ወለተ ወልዱ፡ ንዝሕኒ በአዛብኪ ዘይትረከብ ዘመዱ፡ ወበማየ ሕይወት ሕፀብኒ እምበረደ እፃዕዱ።።

35. ሰላም ለአማዑትኪ ነበልባለ ኅዘን ዘአውዐየ፡ እመ ወዐለ ወልዲኪ ስቄለ በቀራንዮ፡ ማርያም ድንግል ፀምረ ጠለ ዘተነበዩ፡ ጌጋይየ አስተርአዮ እንተ አልብኪ ተፈልዮ፡ በሥርዐተ ካህን ላዕሌየ አንኒ ጸልዮ።።

36. ሰላም ለንዋየ ዉሥጥኪ አምሳለ ንዋያ ለደብተራ፡ ስብሐተ ልዑል

- ዘይሓወራ፡ ማርያም ድንግል ትምክሕተ ደቂቃ ለሣራ፡ ባልሕኒ ወለተ ቅስራ ለዓለመ ጽልመት እምፃዕራ፡ እስመ መቅዓን ወጠዋይ ምሕዋራ።

37. ሰላም ለንዋየ ውሥጥኪ አምሳለ ብዋያ ለመቅደስ፡ ንዋይኪሰ ኢየሱስ ክርስቶስ፡ ማርያም ድንግል ዘገዳመ ሲና ጳጦስ፡ ከመ ያነቅሐ ለልቦ ዘፋኒ ናብሊስ፡ ፍቅርኪ ያንቅሐኒ በሥጋ ወነፍስ።

38. ሰላም ለንጉበርቲኪ ከመ ማዕከክ ርእየቱ፡ ዘኢየዓርቅ እምቱስሕቱ፡ ማርያም ድንግል ለካህን ዕፀ ኅርየቱ፡ ከመ ኢይኩን ፅሩዕ ንባቦ አፍየ ዝንተ፡ በጽዋዕ ኪራብ ደየዮ ወሡጢዮ ሎቱ።

39. ሰላም ለማጎፀንኪ ለእግዚአብሔር ማጎፈዳዎ፡ ዘሐነፀኪ የማነ እዳዎ፡

ማርያም ድንግል ማዕዘት ዘእምናርዳዎ፡ ኅቤኪ ያንቀዑዳ ለረኪበ

ኩሉ ምፍቅዳዎ፡ ምሰለ ካልኡ ዐይንየ አሐዳዎ።

40. ሰላም ለማዕፀንኪ ለእግዚአብሔር ዘውጉ፡ ብዑድ ሥርዐቱ

ወፍሉጥ ሕጉ፡ ማርያም ድንግል ለአሰካለ ሕይወት ሐረጉ፡ በልኒ

እግዝእትየ ኃጢአተከ ኅደጉ፡ ወመኃልየከ ሰማየ አዕረጉ።

41. ሰላም እብል ለድንግልናኪ ዕፅው፡ እንተ እምኔሁ ሠረቀ ፀሐየ

መለኮት ኅትው፡ ማርያም ድንግል ዘሥነ ንጽሕኪ ፍትው፡ ለኅዲር

በበፍናዉ በአህጉር ወበድው፡ ዕቀኒ ወለቶሙ ለኄራን አበዉ።

42. ሰላም ለሐቋኪ በትረ ሌዋዊ ሣዉዕ፡ ዘኢሐፀነኪ ጠል ወዘኢ ሠቀየኪ

ነቅዕ ፡ ማርያም ድንግል እግእእተ መላእክት ወሰብእ፡ ሰድኒ ብሔረ

ፍግዕ በትንባሌኪ ባቀዕ፡ ምስለ ኅሩያንኪ ደርገ አበሉ በሰንዕ።

43. ሰላም ለአቀዳጽኪ እለ ይነብራ ድርገተ፡ እምነ አብራክኪ ላዕለ

ወእምነ ሐቋኪ ታሕተ፡ ማርያም ድንግል እንተ ኢተአምሪ ርስሐተ፡

ጽባሐ ወምሴተ ኩሎ ዕለተ፡ ዘይሰማዕ ምሕረተኪ ግብሪ ሊተ።

44. ሰላም ለአብራክኪ በሰብሐተ ልዑል ዘአሰተብረካ፡ እምአመ ወሀቡኪ

ብፀዕ ውስተ አሪታዊት ታዕካ፡ ማርያም ድንግል መንበር ዘአብነ ፔካ፡

ጊዜ ሰደቶሙ ለኃጥአን እምዐፀደ ዐባይ ፋሲካ፡ ዔውውኒ መንገሌኪ

እኩንኪ ምህርካ።

45. ሰላም ለአእጋርኪ እለ ፃመዋ በረዊፅ፡ እምቤተ ልሔም ዘይሁዳ እስከ ምድረ

ግብጽ፡ ማርያም ድንግል ሥርዓተ ነበልባል ዕፅ፡ ለኅዲር በቤተ ናሕስ እንተ መልዕልተ ኩኩሕ ህኑጽ፡ አጥብብኒ በተግሣፅ ወሠቅኒ እምዳኅፅ።

46. ሰላም እብል ለዘዚአኪ ሰኩና፡ ዘኢድኅፀ በውስተ ፍና፡ ማርያም ድንግል

ትእምርተ ኪዳን ቀስተ ደምና፡ አምዕዝኒ በዕፍረትኪ ወጸግውኒ ጥዲና፡ በከመ ትገብር እምለንዑስ ሕፃና።

47. ሰላም ለምከየድኪ እለ ረከቦን መከራ፡ እምፍርሃተ ቀተልት ሐራ፡ እንበለ

አሣእን አመ ሐራ፡ ማርያም ድንግል ታቦተ ቃለ ጽድቅ መንፈቀ ዕሥራ፡ ዕጎላት እምዕጎሊሆን ከመ ኪያኪ አፍቀርኩኪ አፍቅርኒ እምይእዜ ለግሙራ።

48. ሰላም እብል ዘአእጋርኪ አፃብዎ፡ ሐሳብ ጉልቆን ዘኮነ ምስለ ስድስ ርብዓ፡ ማርያም ድንግል ዘተሰመዶኪ ምሥዋዕ፡ በረዊፅ ውብጉጉኣ አፍጥኒ መጺኣ፡ ሱብ አፋየ ሰመኪ ሰውዑ።

49. ሰላም ለአፅፋረ እግርኪ ዘኢፈቀዳ ለሥርጋዌ፡ ጥምዕታተ ሕምር ምድራዌ፡ ማርያም ድንግል ሐውልተ ስምዕ ዘወልደ ነዌ፡ ሡቅኑ እምትንታኔ ወባልሕኒ እምአርዌ፡ ላዕለ እምየ ዘአምጽኣ ደዌ።

50. ሰላም ለቆምኪ በቀልተ ዘተመስለ፡ ኅበ ሙኅዘ ማይ ዘበቄለ፡ ማርያም ድንግል እስእለኪ ሰኢለ፡ ኢይረድ ታሕቲተ ምጥቅኒ ላዕለ፡ ኢረከብኩ በርኅራኄ ከማኪ ዘብዕለ።

51. ሰላም ለመልክዕኪ ዘተሠርገወ አሜረ፡ ዘያበርህ ወትረ፡ ፍቅርትየ እንቲ እንተ ታበድሪ ፍቅረ፡ አርእይኒ ገጸ ዚአኪ ማርያም ምዕረ፡ ዘኢይሰምዖ ካልእ እንግርኪ ነገረ።

52. ሰላም ለፀአተ ንፍሰኪ እንበለ ፃዕር ወፃማ፡ ለነቢር ዘልፈ በየማነ ወልድኪ ፈማ፡ ማርያም ድንግል ክልልተ ሞገሰ ወግርማ፡ አጽንዒ በረድኤትኪ ለሕይወትየ ድካማ፡ እምሕይወተ ንግን አበው ኢታሕ ጽጺ ዐቅማ።

53. ሰላም እብል በድነ ሥጋኪ ጽሩየ፡ ዘተመሰለ ባሕርየ፡ አርያም ድንግል ዐፀደ ወይንየ፡ ንስቲተ ለዕቢይኪ እንተ አቅረብኩ ግናየ፡ ኢይትኅደግ ዲበ ምድር ምሥጢ ሰማየ።

54. ሰላም ለግንዘተ ሥጋኪ በእደ ሐዋርያት አርጋብ፡ በአፈወ ዕፍረት

ቅድው ዘሐሳብ ሤጡ ዕፁብ፡ ማርያም ድንግል ወለተ ኅሩያን ሕዝብ፡
ረሰይኩኪ እግዝእትየ ህየንተ እም ወአብ፡ ይኅፅነኒ ከመ ጥብ ፍቅርኪ
ሐሊብ።

55. ሰላም ለመቃብርኪ ለጌቴሴማኒ በመርኅባ፡ እንተ ይእቲ ለኢየሩሳሌም

ቅሩባ፡ ማርያም ድንግል ለሀገረ መንግሥት ርግባ፡ ትትሜጦ ወርቅ
እምአፌር ወጸበለ አፈው እምበሳ፡ ጌቴሴማኒ ለሥጋኪ ምስካባ።

56. ሰላም ለመቃብርኪ ለኢየሩሳሌም በአድያማ፡ እንተ ይእቲ ጌቴሴማኒ

ሰማ፡ ማሪያም ሰንበተ ዕረፍተ ጽዑራን እምፃማ፡ አመኅደረ ላዕለኪ ፀሐየ
ቅዱሳን ዘራማ፡ ኃይለ ልይለ ጸለለኪ በመንክር ግርማ።

56. ሰላም ለፍልሰተ ሥጋኪ መካነ ፍሥሐ ምጡቀ፡ በእእባነ ባሕርይ
በተነድቀ፡ ማርያም ድብተራ እንተ ኢትትከደኒ ሠቀ፡ ጽሑፈ ውዳሴኪ
እምኪ ኅልቀ ሶበ ኮነ ጥቀ፡ ዝናመ ክረምት ቀለመ ወሰማይ ረቀ።

57. ሰላም ለፍልሰተ ሥጋኪ ወለተ ንጉሥ ይሁዳ፡ ወለተ ሌዊ እጉሁ
ዘሀብተ ክህነቱ አግዳ፡ ማርያም ድንግል ምዕዝት ዘእምሰጌ ረዳ፡ በጽሑፍ
ኢይፌጽሞ ለሰብሐትኪ እንግዳ፡ እመ ኮነ በቅድሚያ ስፍሐ ምድር
ሠሌዳ።

58. ሰላም ለፍልሰተ ሥጋኪ ደባትረ ብርሃን ኅበ ተተክሉ፡ ለገነተ ጽባሕ
በማእክሉ፡ ውድሰት አንቲ ወሰብሐት በአፈ ኩሉ፡ እምነ ጻድቃን
ዘታሕቱ ወእምትጉሃን ዘላዕሉ፡ ማርያም ለኪ ሰብሐተ አደሉ።

59. በዝንቱ ቃለ ማጎሌት ወበዝንቱ ይባሉ፡ ለዘይሰኔላኪ ብእሲ ጊዜ ረከቦ ምንዳቤ፡ ማርያም ዕንቁየ ክርስቲሎቤ፡ ወምዕዘተ ምግባር እምከርቤ፡
ዘጸገየ ማጎፀንኪ አፈወ ነባቢ።

60. ስብሐት ለኪ ማርያም በኑልቄ ኩሉ ሥዕርትየ፡ ስብሐት ለኪ ማርያም
በኑልቄ ኩሉ ዘተርአየ፡ ስብሐት ለኪ ንግሥትየ በኑልቄ ኩሉ
ዘኢያስተርአየ፡

61. ስብሐተ ድንግልናኪ ዘልፈ ይነግር አፍየ። እግዚአብሔር ኅቤኪ ፈነወ
ቃሎ፡ ገብርኤልሃ አስተማሲሎ፡ ማርያምአምላክ ዘወለድኪ በተደንግሎ፡
ሰላም ሰላም ወሰላም እብሎ፡ ለመልክዕኪ ፈጺምየ ኩሎ።

62. ለዘኢያፈቅረኪ እግዚትየ ማርያም ውኩፊ ኢይኩን

ጽሎቱ፡ ይትገዘም ኑጎ ዓመቱ ወይጥፋእ በከንቱ፡ በአፈ

መላእክት ወሰብእ ይትረገም ለለሰዓቱ፡ ዘአስተማሰሎ

በተውኔት ለማኅሌተ ንግሥኪ ዝንቱ፡ ጌጋዩ ወኃጢአቱ

ኢይትኃደግ ሎቱ። አ እግዚእትየ ማርያም ዕቀብኒ ወአድኅንኒ

እመከራ ሥጋ ወነፍስ ሊተ ለገበርኪ፡ ሊተ ለአመትኪ።



መልክአ ኢየሱስ



1. ኢየሱስ ኢየሱስ ኢየሱስ ክርስቶስ ዘሠረፅከ ኢምቤተ ሌዌ፡ ኮሬባዊ መለኮታዊ፡ ቃል ሰማያዊ እም ድንግል ተወልደ።

2. ሰላም ለዝከረ ሰምከ ስመ መሐላ ሰኢይሔሱ፡ ዘአንበረ ቅድመ እግዚአብሔር በአትሮንሱ፡ ኢየሱስ ክርስቶስ ለዳዊት ባሕርያ ከርሡ፡ አክሊለ ሰምከ እንዘ ይትቆጸል በርእሱ፡ አህጉረ ፀር ወረሰ ኢያሱ።

3. ሰላም ለሥዕርተ ርእሰከ ዘሥሙር ካብቋሉ፡ ወጽፋቅ ጥቀ ለአርዘ ሊባኖስ አምሳለ ቆጽሉ፡ ኢየሱስ ክርስቶስ ሊቀ ካህናት ዘላዕለ ኩሉ፡ ይጸሐፍ በልሳንዮ ለውዳሴከ ፈደሉ፡ ኢይትኃደግ ዲበ ምድር ንባቡ ወቃሉ።

4. ሰላም ለርእሰክ በመንበረ ክሳድ ዘተሳረረ፡ እንዘ ማእሰ ሥጋ ይለብስ ወእንዘ ይትገለበብ ጸጉረ፡ ኢየሱስ ክርስቶስ ከመ ቃልክ ነገረ፡ ይወርሱ በእንቲአክ ንዳያነ ዓለም ክብረ፡ ወቀደምትኒ ይከዉኑ ድኅረ።

5. ሰላም ለገጽክ እም ሥነ ኦርዴሬስ ሰቡሕ፡ ወፍሡሕ ከመ ወርኅ ዘአማኅገሃህ፡ ኢየሱስ ክርስቶስ ታቦተ ሕይወቱ ለኖኅ፡ ኅብአኒ እግዚአ በውሳጤክ ሰፋሕ፡ ማየ ኩነኔ አመ ዘንመ አይኅ።

6. ሰላም ለቀራንብቲክ ከመ ክልኤ ክንፈ ኪሩብ፡ እለ ይጸልላ ወትረ አዕይንቲክ ዘርግብ፡ ኢየሱስ ክርስቶስ እደ መዝራእቱ ለአብ፡ አስተጋቢ ውስተ ልብዩ አቅማሐተ ኩሉ ጥብብ፡ ከመ ጽጌያተ ዘገዳም ያስተጋብእ ንህብ።

7. ስላም ለአዕይንቲክ ከመ ምሉዕ ምዕቃለ ማይ፡ እለ ይትረክያ ወትረ

በመንበረ መጽሔት ርሡይ፡ ኢየሱስ ክርስቶስ መስተሥርየ ኩሉ ጌጋይ፡

ንዝኅኒ እግዚአ በአዛብከ ሠናይ፡ ወአፃዕድወኒ እምበረድ ጽኑይ።

8. ስላም ለአዕዛኒክ ጽልዋተ እለ ኮና፡ አምኅ ነገር ያብአ ለመኮንነ ውሥጥ

ሕሊና፡ ኢየሱስ ክርስቶስ ዘያዕቆብ ዓምደ ደመና፡ ምርሐኒ እግዚአ ኅበ

ይትፈቀድ ፍና፡ በዓመተ ርስዐን ወድካም ኢይርአይ ሙስና።

9. ስላም ለመላትሒክ እለ ይፈርያ አፈዋተ፡ ከመ ርኚ አፈው ዘይፃኑ ርኑቀ

ፍኖተ፡ ኢየሱስ ክርስቶስ እስመ አበ ንፍሰየ አንተ በሎሙ ለመላእክት

ተፈሥሑ ሊተ፡ ረከብከዎ ለወልድየ በከንቱ ዘሞተ።

10. ሰላም ለአዕናፈክ መሳክወ ዌና ወአናቅጽ፡ እለ ውዱዳት እማንቱ
ማእከለ ክልኔ አብይጽ፡ መልአክ ሕይወትየ ክርስቶስ አስተሪየኒ በገጽ፡
ናሁ ተመሠጥኩ በጣዕመ መስቀልክ ዕፅ፡ ወተነደፍኩ በፍቅርክ ሐጽ።

11. ሰላም ለከናፍሪክ መኃዛተ ክርቤ ሐዋዝ፡ እምጽጌ ገዳማት ኩሎን
ዘዌናሆን ምዑዝ፡ ኢየሱስ ክርስቶስ በግዐ ይስሐቅ እኑዝ፡ ይተከዐው
ዉስተ አፋየ ከመ አዜባዊ ውኒዝ፡ ነቅዐ ገቦክ በኩናት ርጉዝ።

12. ሰላም ለአፍክ ለዮሐንስ ዘስዐሞ፡ ንጽሐ ሕሊናሁ ወልቡ ለዓይነ
ፍትወትክ ሶበ አደሞ፡ ኢየሱስ ክርስቶስ መፍቀሬ የዋሃት እምሃት እምተ
ቀይሞ፡ ጸግወኒ ማዕፆ አፍ እንተ ይእቲ አርምሞ፡ ለትዕግሥትካ ከመ
አእምር ዐቅሞ።

13. ሰላም ለአሰናኒክ አይተ አዕናቀኝ እለ ተሰክዓ፡ በፈትለ ሥጋ ወደም እስከ ሥረዊሆን ጸንቦ፡ ኢየሱስ ክርስቶስ ዘተሰመይክ ምሥዋዐ ክርስቶ ርኅቦ እግዚአ ወውሣጤ ጉርዔየ ጸምአ ፡ እንበለ ኩነኔ ሀበኒ ሥጋክ መብልዐ።

14. ሰላም ለልሳንክ በደብረ ታቦር ዘአልኖሰሰ፡ ለብርሃን ዐቢይ እስከ ጽላሎቱ ተሐውሰ፡ ነበልባለ እሳት ክርስቶስ ዘተዋሐድክ ጳጦሰ፡ በዋዕየ ፍቅርክ ከመ ሥጋወ አእዋም የብሰ፡ ወሣጤ ሕሊናየ ነደ ወልብየ ጤሰ።

15. ሰላም ለቃልክ እማእሠሪሁ ዘፈትሐ፡ ለፍቅር አልአዛር ኃይለ ሥልጣን ሞት ድኅረ ሞቅሐ፡ ኢየሱስ ክርስቶስ ንጉሥ ሰላም ወተራኅርኖ፡ አባ ወአቡየ እሴብሐክ ሰብሐ፡ ለአንቀጽክ ጸግወኒ መርኖ።

16. ሰላም ለእስትንፋሱክ እስትንፋሱ ላህብ ምውቅ፡ ጊዜ ፍና ሠርክ

ዘነፍሐ ገነተ ኅሩያን ደቂቅ፡ ኢየሱስ ክርስቶስ ጠፈረ ሃይማኖት
ወጽድቅ ይትወገውኑ ከዋክብት በአየርክ ምጡቅ፤ ወያንበሰብሱ
ደመናት በዐረብ ወሠርቅ።

17. ሰላም ለጉርዔክ በጽምአ ፍቅረ ሰብእ ሐማሚ፡ እስከ ስቴ ሐሞት

ጥዕመ ወዘወይነ ትፍሥሕት ከራሚ፡ ኢየሱስ ክርስቶስ መምህረ
ጳውሎስ ዘብንያሚ፡ አመ ነሥአ ማኅተመ ጸጋ እንዘ ሰመከ ይሰሚ፡
አልቦ አይሁድ ወአልቦ አረሚ።

18. ሰላም ለካህናት ግብረ መንፈስ ቅዱስ ኬኒያ፡ አዳም ሥና ወመንክር ላህያ፡
ኢየሱስ ክርስቶስ ነቢይ ወሐዋርያ፡ አመ ወፅኦ ስሙዓቲክ በአድያመ ኩሉ ሶርያ፡
ብፁዓት አዕይንት ኪያክ ሶርያ፡ ብፁዓት አዕይንት ኪያክ ዘርእያ።

19. ሰላም ለመትከፍትክ ከመ ልብሰ ክህነት ለጉዮ፡ ጊዜ ፀአተ ፍትሕ ዘፆረ አርዑተ
መስቀል በቀራንዮ፡ ኢየሱስ ክርስቶስ በግዑ መድኅኒት ወአስተሥርዮ፡
አስተዳሎክ ለርእሰክ ውስተ ዐፀደ ግፍዕ ተርእዮ፡ ወኩሎ በዘይደሉ አቅደምክ
ሐልዮ።

20. ሰላም ለዘባንክ እመለኮቱ ዘኢተዐርቀ፡ እንዘ በአፍአሁ ይትዌከፍ ጥብጣቤ
ሕማማት መጽዕቀ፡ ጉንደ ሐረገ ወይን ክርስቶስ እንተ ትፀውር አዕፁቀ፡በቤተ
ኩባካብ ጊዜ ትገብር ምርፋቀ፡ ለአስካልክ ረስየኒ ዝቀ።

21. ሰላም ለእንግድግክ ቀላዩ ልቡና ወአእምሮ፡ በሐመረ ፍትወት

ወጻሕቅ ልበ ጠቢባን ዘኢሰፈሮ፡ ኢየሱስ ክርስቶስ ኂሩት

ወተፋቅሮ፡ ሶበ ይገሥሥ ሕልናዩ ለመንዲልክ ዘፈሮ፡ ንቅዐ

ኅጢአትዩ ለገበርክ እምድሩ ይሠሮ።

22. ሰላም ለጎፅንክ ምርፋቀ በረከት ወሣህል፡ ዘአሰመክ ቦቱ ወልደ

ዘበዴዎስ ድንግል፡ ኢየሱስ ክርስቶስ ሃይማኖትዩ ወንጌል፡ ከመዕፀ

ሐምል ሰፍሕተ አዕፅቅ ወቄጽል፡ ብዙኅተ አዕዋፊ አጽልሎተ ተክል።

23. ሰላም ለአኢዳዊክ ጽቡረ እለ ገብራ፡ በምራቀ አፍክ ቅዱስ አዕይንተ
ዕዉር ይፍጥራ፡ ትምህርተ ኅቡአት ክርስቶስ ዘትትነገር ኢምጳርስፎራ፡
ነገሰታት በእንቲአክ ይገድፋ ጌራ፡ ወዕጠቆሙ ይፈትራ።

24. ሰላም ለመዛርዒክ ከመ ቀስተ ብርት ጽኑዕ፡ እለ ያነትዓ ፀረ አመ ዕለተ
መንፈስ ወጸብዕ። ኢየሱስ ክርስቶስ ጠረጴዛየ ምሥዋዕ፡ አስትየኒ ማየ
ሕይወት ኢመስቀልክ ጽዋዕ፡ ዘእንበሌሁ ኢይድኅን ሰብእ።

25. ሰላም ለኩርናዕክ ኩርናዕ ክቡድ አንበሳ፡ ዘቀጥቀጠ ኩሎ አርእሰተ
ሥቡሐን እንሰሳ፡ ኢየሱስ ክርስቶስ ሞገሰ ዳንኤል ነቢየ ሱሳ፡ ድኅረ
ተፈጸመ ሱባዔ ሰንበታት ሰሳ፡ በምጽአትክ ተሳተመ አበሳ።

26. ሰላም ለእመትክ መስፈርተ መዛርዕ ወእድ፡ እስከ ጽንፈ መስቀል

በሐብል ዘስሐብዎ አይሁድ፡ ኢየሱስ ክርስቶስ እምነ አእላፍ ውሉድ፡
ኅድፈኒ ብጥብብክ እምተሠጥሞ ጌጋይ ክቡድ፡ ናሁ በላዕሌየ ተንሥኤ
ሞገድ።

27. ሰላም ለእራኅክ መክፈልተ ሕማማት ሱቱፍ፡ ወቅንዋቲሁ እኤምኅ

በአፍ፡ ኢየሱስ ክርስቶስ በላዕለ ቅዱሳን ዕሩፍ፡ ይፀንስ ውስተ ከርሥየ
ዘርአ ቃልከ መጽሐፍ፡ ፀዳለ እምፀዳል ከመ ትፀንስ ያፍ።

28. ሰላም ለአፃብዒክ አፃብዐ አዳም ዘተኬነዋ፡ ወነቀላ ዐፅመ በእንተ

ሕይወታ ለሐዋን፡ ኢየሱስ ክርስቶስ አመ ተለዐልክ እምድረ ፃዋ፡ ለገነተ
ጽድቅ ዘእደ ሱራፈ ዐፀዋ፡ ቤዛ ኅጢአን ኩሎሙ ደምከ አርኅዋ።

29. ሰላም ለአፀፋረ እዴከ ዘጎበሪሆን ፀዑዳ፡ በምግባር ወግእዝ እለ
ይትዋሐዳ፡ ኢየሱስ ክርስቶስ ምስፍና አባሉ ለይሁዳ፡ ለመንግሥትከ
ስፋኒት እንዘ ይትመሐለሉ ዐዉደ፡ ሰብአ ሰገል አወፈዩ ጋዳ።

30. ሰላም ለገባከ ዐዘቅተ ሥጋዌ ፍሉሕ፡ እንተ እምኔሁ ተውህበ ፈልፈለ
ቅዱሳት ወንጽሕ፤ ኢየሱስ ክርስቶስ ዘኢሳይያስ መካሕ፡ አመ
አስትርአይከ በልብሰ ሳሦር ቀይሕ፡ መልአከ ሞት ተሠጥመ በላህ።

31. ሰላም ለከርሥከ ዘኢትፈተን መዝገቡ፡ ም ዕመቄ ወሚ ራጎቡ፡ ኢየሱስ
ክርስቶስ ለወንጌል ንግሥከ ባሕር አስትአ በረከት ወህቡ፡ ወእለ
የጎድኛ

- ዲበ የብስ አምኅ አቅረቡ። ሰላም ለልብከ ቅሩብ ኩልያት ምንታዌ።

እንተ ያንሰሐስሕ ቦቱ መንፈስ ሕሊናክ ኅበ ህላዌ። ኢየሱስ ክርስቶስ

ፍጹመ ትሰብእት ወሥጋዌ። በቃለ እንቲአከ አመ ትትፍታህ ነነዌ።

ውስተ መቅደስከ ረሰየኒ ሠርዌ።

32. ሰላም ለሕሊናክ ዘይሔሊ ሠናያተ። ለውሉደ ሰብእ ምሕረተ።

ክርስቶስ ብርሃን ዘአስሰልከ ጽልመተ። ላዕለ ኪሩቤል ነቢረከ

ዘትሬኢ ቀላያተ። ሰብሕኒ ወልዑል አንተ።

33. ሰላም ለገንብርትክ ማእከለ ጠባይዕ ዘተመልአክ፡ በኩሉ ቱስሕቱ እንዘ
ይትሜሰል ማእከክ፡ መንግሥተ ሰማያት ክራሰቶስ ከመ ዮሐንሳ ሰበክ፡ በሐፍ
ወበድካም እለ ኣሥመሩ ኪያክ፡ ዲናረ ሃይማኖት ነሢአሙ የአትው ሠርክ።

34. ሰላም ለሐቆክ እንዘቦ ልዕልና፡ ከመ ገብር ድኩም ዘቀነተ ሐብለ ትሕጥና፡
ኅብስተ ሕይወቶሙ ክርሰቶስ ለእለ ይነሥኡ ሰመ ክርሰትና፡ አኮአ ኅብስተ
እስራኤል መና፡ ዘዕሤተ ሞት ፈደየ በሲና።

35. ሰላም ለአቶያጺክ አዕማድ ያቁም ወበለዝ፡ እለ ይፀወራ ቦቶን መልክዑተ
ኩሉ ትእዛዝ፡ ኢየሱስ ክርሰቶስ ምጽላለ ሕይወትየ አርዝ፡ ተበአሶ በጽላሎትክ
ለአርፎ ዐመፃ ወሕምዝ፡ ኢይሳነነኒ ለገብርክ ዳግመ እምዝ።

36. ሰላም ለአብራኪካ እለ አውተራ ሰግደተ፡ እንዘ የዓርጋ

ላዕለ ወእንዘ ይወርዳ ታሕተ፤ ጊዜ ተቀባዕካ ክርስቶስ

ዘአልቦሰጥሮስ ዕፍረተ፡ ገብርከስ እምፈተውኩ አሜሃ ዕለተ፡

ማርያምሃ ትኩነኒ እኅተ።

37. ሰላም ለአእጋሪካ እለ ጠብዓ ለቀዊም፡ ቅድመ ጲላጦስ

ፈታሂ መስፍነ ይሁዳ ወሮም፡ ኢየሱስ ክርስቶስ ዘትማልም

ወዮም፡ ኅበወረደ ወነጠበ ዝናመ አእጋሪካ ደም፡ ለመስቀልካ

በሰጊድ ሰላም።

38. ሰላም ለሰኩናክ እንተ ይሰተጋብእ ኩሎ፡ ኅበ ኅደገ ወቀጽዐ

ውስተ ሠሌዳ ኩኩሕ ሥዕሎ፡ ኢየሱስ ክርስቶስ ለመልእክ ዓለም

ዘትትቤቀሎ፡ ሰብሐቲክ እርአይ እግዚአ እምቅድመ ዓለማት ዘሀሎ፡

መንጠላዕተ ዓይንየ ቅላዕ ወአብርህ ጸዳሎ።

39. ሰላም ለመከየድክ አሐዱ አሐዱ፡ ውስተ ቤተ መቅደስ ለምህሮ

እለ ገይሠ ለመዱ፡ ኢየሱስ ክርስቶስ ዘመዓዛ ፍቅርክ ዕቅረ ናርዱ፡

አኅዊክ ሰማዕታት ቈላተ ሕማማት ወረዱ፡ ወጸድቃኒክ ገዳማተ

ፆዱ።

42. ሰላም ለቆምከ ሐመልማለ ቀይሕ ሥጋ፡ ክርስቶስ ቀዲሜ ጸጋ፤ ናሁ ሰፈነት ወሰፈፈት ኢንበለ ንትጋ፡ ለባሕረ ሣህልከ ዘኢይነጽፍ ፈለጋ፡ ውስተ ሕሊናየ አስተጋብእ አይጋ። ሰላም ለመልክዕከ መልክዕ ክቡር አምላክ፡ እለ ይቴሐታ ሎቱ አሪስተ ሰኩና ውብርክ፡ ኢየሱስ ክርስቶስ ሐዋርያነ መልአክ፡ ይትመላሕ እምሕሊናየ በተግሣፅከ ቡሩክ፡ ኅጠተ ደዌ ዘበቄለ ሦክ።

43. ሰላም ለፀኢተ ነፍሰከ ኅይለ ሥልጣነ ሞት ዘቀነየ፡ ጽዋዐ ፕሲካ ምሉአ ድኅረ ሠለጥከ ሰትየ፡ ጥዑመ ከናፍር ክርስቶስ እንተ ትነብር ሰደየ፡ በሞት ወበሕይወት አማኅፀንኩ ነፍሰየ፡ ውስተ እዴከ ዘገብረ ሰማየ።

44. ሰላም ለቤድነ ሥጋክ እመለኮቱ ዘኢተፈልጠ፡ ለሰዓት

አሐቲ ከመ ቅጽበተ ዐይን ኅዳጠ፡ መዝገበ ባሕርይ ክርስቶስ

ዘኢተአምር ተዉላጠ፡ ኢኮ ዘሐይቕ ጽጌረዳ ወዘባሕር

ሰግላጠ፡ ባሕቱ ሃይማኖትየ እሁብከ ሢጠ።

45. ሰላም ለግንዘተ ሥጋክ በአፈው ወከርቤ ሕውስ፡

ወበልብሰ ገርዜን ንጽሕ ዘኅበሪሆን ፒሦስ፡ መርዓዌ ሥርግወ

አመ ትመጽእ ክርስቶስ ዐሥረኒ ለቀበላከ በማኅቶተ ምግባር

ውዱስ፡ ከመ ድናግል ጠባባት ዘኑልቆን ኃምስ።

46. ሰላም ለመቃብርክ መካነ ምሥጢር ጎልጎታ፡ ቀዳሚ
አዳም ዘኢተቀብረ በዉሱቴታ፡ ኢየሱስ ክርስቶስ በረከተ
ኤልይስ ዘሰራጽታ፡ ሣህልከ ወምሕረትክ ይመግበኒ በጾታ፡
ከመ ሐገፋ ወሥሙር ወልታ።

47. ሰላም ለትንሣኤክ እምድግረ ዕለታት ክልኤ፡ ዐቀብተ
መቃብር አፍላፍ እንበለ ይሰምዑ ቀርነ ጽዋዔ፡ ወበእንተዝ
ይብሉክ ክርስቶስ በኩረ ትንሣኤ፡ ተአመንኩ ቅድመ ገጸ
ኩሉ ጉባኤ፡ ኪያክ አበ ወኪያክ ረዳኤ።

48. ሰላም ለትንሣኤክ እንተ ተጠየቀ ቦቱ፡ ዜና ትንሣኤሆም በክብር ለቆዱሳን ዘሞቱ፡ ኢየሱስ ክርስቶስ ለዳዊት ቀርነ መንግሥትሱ፡ በዓለ ትንሣኤ ፋሲካነ ዝንቱ፡ እስመ ሥርዓቱ ለእስራኤል ውእቱ።

49. ሰላም ለዕርገትክ ዘኢይትረከብ መጠኑ፡ ወለንብረትክ ሰላም ለአቡክ ውስተ የማኑ፡ ኢየሱስ ክርስቶስ እለ ኢያክ ተአመኑ፡ ቅዱሳነ ዘእምኅቤክ ወንጹሐነ ይኩኑ፡ ጳራቅሊጦስሃ መንፈስክ ፈኑ።

50. ሰላም እምብ ለምጽአትክ ከዋላ፡ በደመና ሰማይ ብርሃት እንተ ትፀድል እምሥነ ዕብላ፤ አመ ትመጽእ በስብሐት ክርስቶስ ርእሰ መሐላ፡ ጸውዐነ ለአግብርቲክ ውስተ ዐፀደ ፍግዕ ወተድላ፡ ናንሶሱ ምስሌክ በሐዳስ ቀጸላ።

51. እምሥራቀ ፀሐይ እስከነ ዐረብ ይትክኮት ስሙ

ለእግዚአብሔር አምላክነ፡ ኪያከ ወልደ ዘፈነወ ለነ፡ ኢየሱስ ክርስቶስ ሊቀ ካህናቲነ፡ አስተጋብእነ ኅብ ትረፍቅ መካነ፡ እስመ ዝርዋን አግብርቲከ ንሕነ።

52. ሰብሐት ለከ አምላክየ በኑልቄ ኩሉ ሥዕርትየ፡ ሰብሐት

ለከ አምላክየ በኑልቄ ኩሉ ዘተርአየ፡ ሰብሐት ለከ አምላክየ በኑልቄ ኩሉ ዘኢያስተርአየ፡

ሰብሐተ ሥላሴክ ወትረ ይነግር አፍየ።

54. እምክሉ ይኔይሰ በሥላሴክ ተአምኖ፡ ወበወላዲትክ ተማኅፅኖ፡

ኢየሱስ ክርስቶስ እምቤተ መንግሥት ወተክህኖ፡ ተሰብኢተክ እመቦ
ዘያስተሐቅር መኒኖ፡ ያንኩርኩር ታሕተ ደይን ግዱፊ ከዊኖ።

55. ሰላም ሰላም ለኩሎን መልክዕክ፡ አምሳለ መልክዑ ለአቡክ፡

ኢየሱስ ክርስቶስ ሕማማተ መስቀል ዘዖርክ፡ ኅብኢኒ እምገጸ ሞት
በእንተ ማርያም እምኪ፡ አምላኪየ አምላኪየ ኢይጽናዕ ልብክ።

አምላክ ምድር ወሰማያት፡ አማላክ ባሕር ወቀላያት፡ ወአምላክ

ኩሉ ፍጥረት፡ አምላኩሙ አንተ ለአበው ቀደምት፡

አምላኩሙ ለነቢያት፡ አምላኩሙ ለሐዋርያት፡ አምላክ

ጸድቃን ወሰማዕት፡ መሐረን ለነ አምላክነ እሰመ ግብረ እደክ

ንሕነ፡ ወኢትዝክር ኩሎ አበሳነ።

ኦ እግዚአብሔር ኢየሱስ ክርስቶስ ዕቀባኒ ወአድኅነኒ እመከራ

ሥጋ ወነፍስ ሊተ ለገብርክ፡ ለእገሌ



የግእዝ ቁጥሮች



አልቦ 0

፩ አሐዱ 1

፪ ክልኤቱ 2

፫ ሠለስቱ 3

፬ አርባዕቱ 4

፭ ሐምስቱ 5

፮ ስድስቱ 6

፯ ስብዓቱ 7

፰ ስመንቱ 8

፱ ተሰዓቱ..... 9

፲ አሠርቱ10

፲፩ አሠርቱ ወአሐዱ 11

፲፪ አሠርቱ ወክልኤቱ 12

፲፫ አሠርቱ ወሠለስቱ 13



፲፬ አሠርቱ ወአርባዕቱ 14

፲፭ አሠርቱ ወሐምስቱ 15

፲፮ አሠርቱ ወስድስቱ 16

፲፯ አሠርቱ ወስብዓቱ 17

፲፰ አሠርቱ ወስመንቱ 18

፲፱ አሠርቱ ወተሰዓቱ 19

፳ እስራ 20

፳፩ እስራ ወአሐዱ 21

፳፪ እስራ ወክልኤቱ 22

፳፫ እስራ ወሠለስቱ 23

፳፬ እስራ ወአርባዕቱ 24

፳፭ እስራ ወሐምስቱ 25



፳፮ እስራ ወስድስቱ 26
፳፯ እስራ ወሰብዓቱ 27
፳፰ እስራ ወሰመንቱ 28
፳፱ እስራ ወተሰዓቱ 29
፴ ሠላሳ 30
፴፩ ሠላሳ ወአሐዱ 31
፴፪ ሠላሳ ወክልኤቱ 32
፴፫ ሠላሳ ወሠለስቱ 33
፴፬ ሠላሳ ወአርባዕቱ 34
፴፭ ሠላሳ ወሐምስቱ 35
፴፮ ሠላሳ ወስድስቱ 36
፴፯ ሠላሳ ወሰብዓቱ 37

፴፰ ሠላሳ ወሰመንቱ 38
፴፱ ሠላሳ ወተሰዓቱ 39
፵ አርብዓ 40
፶ ሃምሳ 50
፷ ስድሳ 60
፸ ሰብዓ 70
፹ ሰማንያ 80
፺ ተሰዓ 90
፻ ምዕት 100
፻፩ ምዕት ወአሐዱ 101
፻፪ ምዕት ወክልኤቱ 102
፻፫ ምዕት ወሠለስቱ 103
፻፬ ምዕት ወአርባዕቱ 104

፪፮ መዕት ወሐምስቱ 105

፪፯ ምዕት ወስድስቱ 106

፪፰ ምዕት ወሰብዓቱ 107

፪፰ ምዕት ወስመንቱ 108

፪፱ ምዕት ወተሰዓቱ 109

፪፲ ምዕት ወአሠርቱ 110

፪፲ወ፩ ምዕት አሠርቱ ወአሐዱ 111

፪፲ወ፪ ምዕት አሠርቱ ወክልኤቱ 112

፪፲ወ፫ ምዕት አሠርቱ ወሠለስቱ 113

፪፲ወ፬ ምዕት አሠርቱ ወአርባዕቱ 114

፪፲ወ፭ ምዕት አሠርቱ ወሐምስቱ 115

፪፲ወ፮ ምዕት አሠርቱ ወስድስቱ 116

፪፲ወ፯ ምዕት አሠርቱ ወሰብዓቱ 117

፪፲ወ፰ ምዕት አሠርቱ ወስመንቱ 118

፪፲ወ፱ ምዕት አሠርቱ ወተሰዓቱ 119

፪፳ ምዕት ወእስራ 120

፪፳፬ ምዕት ወሠላሳ 130

፪፳፯ ምዕት ወአርብዓ 140

፪፳፻ ምዕት ወሃምሳ 150

፪፳፰ ምዕት ወስድሳ 160

፪፳፯ ምዕት ወሰብዓ 170

፪፳፰ ምዕት ወሰማንያ 180

፪፳፯ ምዕት ወተሰዓ 190

፪፻ ክልኤቱ ምዕት 200

፪፻ወ፩ ክልኤቱ ምዕት ወአሐዱ 201

፪፻ወ፪ ክልኤቱ ምዕት ወክልኤቱ 202

፪፻ወ፫ ክልኤቱ ምዕት ወሠለስቱ 203

፪፻ወ፬ ክልኤቱ ምዕት ወአርባዕቱ 204

፪፻፬ ወ፳ ክልኤቱ ምዕት ወሐምስቱ 205

፪፻፮ ወ፳ ክልኤቱ ምዕት ወስድስቱ 206

፪፻፱ ወ፳ ክልኤቱ ምዕት ወሰብዓቱ 207

፪፻፳ ወ፳ ክልኤቱ ምዕት ወስመንቱ 208

፪፻፴ ወ፳ ክልኤቱ ምዕት ወተሰዓቱ 209

፪፻፴፫ ወ፳ ክልኤቱ ምዕት ወአሠርቱ 210

፪፻፴፮ ወ፳ ክልኤቱ ምዕት አሠርቱ ወአሐዱ 211

፪፻፴፱ ወ፳ ክልኤቱ ምዕት አሠርቱ ወክልኤቱ 212

፪፻፴፲ ወ፳ ክልኤቱ ምዕት አሠርቱ ወሠልስቱ 213

፪፻፴፯ ወ፳ ክልኤቱ ምዕት አሠርቱ ወአርባቱ 214

፪፻፴፰ ወ፳ ክልኤቱ ምዕት አሠርቱ ወሐምስቱ 215

፪፻፴፱ ወ፳ ክልኤቱ ምዕት አሠርቱ ወስድስቱ 216

፪፻፴፯ ወ፳ ክልኤቱ ምዕት አሠርቱ ወሰብዓቱ 217

፪፻፴፰ ወ፳ ክልኤቱ ምዕት አሠርቱ ወስመንቱ 218

፪፻፴፱ ወ፳ ክልኤቱ ምዕት አሠርቱ ወተሰዓቱ 219

፪፻፳ ወ፳ ክልኤቱ ምዕት ወእስራ 220

፪፻፴ ወ፳ ክልኤቱ ምዕት ወሠላሳ 230

፪፻፴፯ ወ፳ ክልኤቱ ምዕት ወአርብዓ 240

፪፻፴፱ ወ፳ ክልኤቱ ምዕት ወሃምሳ 250

፪፻፳፰ ወ፳ ክልኤቱ ምዕት ወስድሳ 260

፪፻፳፯ ወ፳ ክልኤቱ ምዕት ወሰብዓ 270

፪፻፳፰ ወ፳ ክልኤቱ ምዕት ወሰማንያ 280

፪፻፳፯ ወ፳ ክልኤቱ ምዕት ወተሰዓ 290

፫፻ ወላስቱ ምዕት 300

፬፻ አርባዕቱ ምዕት 400

፭፻ ሐምስቱ ምዕት 500

፮፻ ሰድስቱ ምዕት 600

፯፻ ሰብዓቱ ምዕት 700

፰፻ ሰመንቱ ምዕት 800

፱፻ ተሰዓቱ ምዕት 900

፲፻ አሠርቱ ምዕት 1000

፳፻ እስራ ምዕት 2000

፴፻ ሠላሳ ምዕት 3000

፵፻ አርብዓ ምዕት 4000

፶፻ ሃምሳ ምዕት 5000

፷፻ ሳድስ ምዕት 6000

፸፻ ሰብዓ ምዕት 7000

፹፻ ሰማንያ ምዕት 8000

፱፻ ተሰዓ ምዕት 9000

፻፻ እልፍ 10,000

፪፻፻ ክልኤቱ እልፍ 20,000

፫፻፻ ሠለስቱ እልፍ 30,000

፬፻፻ አርባዕቱ እልፍ 40,000

፭፻፻ ሐምስቱ እልፍ 50,000

፮፻፻ ስድስቱ እልፍ 60,000

፯፻፻ ሰብዓቱ እልፍ 70,000

፰፻፻ ሰመንቱ እልፍ 80,000

፱፻፻ ተሰዓቱ እልፍ 90,000

፲፻፻ አሠርቱ እልፍ 100,000

፳፻፻ እስራ እልፍ 200,000

፴፻፻ ሠላሳ እልፍ 300,000

፵፻፻ አርብዓ እልፍ 400,000

፶፻፻ ሃምሳ እልፍ 500,000

፷፻፻ ሰድሳ እልፍ 600,000

፸፻፻ ሰብዓ እልፍ 700,000

፹፻፻ ሰማንያ እልፍ 800,000

፱፻፻፻ ተሰዓ እልፍ 900,000

፻፻፻ አእላፋት 1,000,000

፲፻፻፻ ትእልፊት 10,000,000

፫፻፻፻፻ ትልፊታት 100,000,000

፲፫፻፻፻፻ ምእልፊት 1,000,000,000

➤ አነሳሰቶ ላሰጁ መረኝ አሰጁም ርም ላሰፈጸ መኝ ለልዑል እግዚአብሔር ክብር እና ምስጋና ውዳሴ እና አምልኮት ኃይል እና ጌትነት ሁሉ ለእርሱ ይሁን አሜን ወአሜን ለይኩን ለይኩን እስከ ለዓለም። ለእመባታችን ለቅድስት ድንግል ማርያምም ምስጋና ይሁን ። ለፃዲቃንና ሰማዕታት ለቅዱሳን መላዕክትም ሁሉ ምስጋና ይሁን።

➤ ወሰብሐት ለእግዚአብሔር ወለወላዲቱ
ድንግል ወለመስቀሉ ክቡር ይትክኩት
ወይሰባእ ሰሙ ለእግዚአብሔር ወትረ በኩሉ
ጊዜ ወበኩሉ ሰክት።

ቡዲን ገብረሚካኤል ፊታ.

ሕዳር 17 ቀን 2011 ዓ/ም